



甌北詩鈔七言律三

陽湖

歸田卽事

柴扉近俯綠楊灣。回首風塵此倦還。老境逼來將白髮。宦途盡處是青山。署門容散無投刺。退院僧高自掩關。只有夢魂難忍處。

君恩猶未削朝班。

千古名句

豚栅雞棲一畝宮。呼來兒女脫青紅。憐他未慣蓬茅宅。笑我原來田舍翁。塵尾可揮非祖物。菜根須咬趙童蒙。短檠燈火長鏡杓。閒與諸雛話舊風。

甌北詩鈔

七言律三

少日曾貪面百城。而今萬卷送浮生。一身去職如花落。兩眼觀書尙月明。鴻爪春泥思往跡。馬蹄秋水得閒情。天留老筆非無用。要與熙朝寫太平。

新葺茅廬在水南。擬栽修竹翠甍甍。持齋怕入遠公社。習靜便同彌勒龕。詩就多兼唐小說。客來與作晉清談。所慚懶廢無才思。輸與山陰老學庵。

天平山范文正公祠

森森萬笏石參天。丙舍千秋傍祖阡。遺像何嫌窮塞主。崇祠猶祭義莊田。柏如葛相堂葱鬱。路與蘄王墓接連。

小獨子孫來下拜。遊人誰不瓣香燃。



端笏垂紳河岳姿名賢氣象儼留貽甲兵胸捍三秦警  
虜粥腸思四海飢植黨浮言當日論活人素志至今知  
多慚我已忘憂樂敢漫高談濟世期

### 韓蘄王墓

麒麟高塚占雲墟異姓真王百戰餘勲業未來先卧虎  
英雄老去亦騎驢葬應秘器蒙分賜績尙豐碑表特書  
宋待功臣原不薄棲霞何事獨誅鋤

謂岳忠武

### 館娃宮

湖光山色一憑欄想見朝朝暮暮歡此地春常留屣響  
有人夜正卧薪寒唾成珠玉香猶濕舞破山河鬢未殘

### 甌北詩鈔

七言律三

二

恩受吳宮功在越可憐啼笑兩俱難

### 過史翼宸明經故居

少年此地一經橫賓主流連最有情老再來時惟後輩  
舊曾遊處似前生山邱華屋徒增感書畫青門尙繼聲  
也比西州門外路經過不覺淚如傾

### 哭璞函之訃

幕府曾推借箸長驚傳復矢蜀山蒼纔欣薄宦遷華省

復官後以積勞  
思擢部曹

何意書生死戰場劍閣更誰文勒石玉門祇

有夢還鄉可憐前夜相思處猶擬他年話對牀

磨盾滇南墨未乾岷峨西上又千盤空懸望眼長安近

欲。遊。遺。跡。蜀。道。難。灑。血。隻。身。衝。矢。石。招。魂。萬。里。葬。衣。冠。  
傷。心。馬。革。都。無。分。留。與。烏。鳶。啄。肉。殘。  
烏。撒。城。邊。惜。別。晨。鄰。疆。類。喜。接。音。塵。偶。翻。書。札。猶。前。日。  
忽。憶。鬚。眉。已。古。人。迢。遞。何。年。尋。宿。草。馳。驅。到。死。作。勞。薪。  
遊。魂。血。污。空。山。裏。知。化。猿。身。化。鶴。身。

痛絕德麟

### 奇顧北墅

射雉城東別業偏。一編晏坐正超然。門高處士談經座。  
家有先人負郭田。載酒生徒揚子宅。焚香書畫米家船。  
從知水繪園荒後。又續名流韻事傳。

### 哭座主觀總憲補亭先生

三首之一

### 甌北詩鈔

七言律三

三

總持風雅量兼收。河海由來納衆流。道廣幾爲陳寔累。  
名高爭御李膺游。情於說士甘如肉。身爲推賢讓出頭。  
此後孤寒更誰恃。秋風多少客無裘。

### 東黃月山文學

里社交知半在亡。巋然獨見魯靈光。詩文確有先民法。  
游射能言大父行。老眼燈昏猶作字。飢腸廚冷欲休糧。  
晨星吾敢輕前輩。莫惜頻煩過草堂。

### 莊似撰杜詩投贈依韻奉答

浪跡真如未泊舟。那能高卧北窗幽。嫁衣待字知何日。  
團扇承恩及未秋。空負翱翔千仞志。漸收汗漫九垓游。

衙官屈宋終非據君或空言我已愁

彭芸楣閣學留飲澄江使院卽席奉呈

使院重來揖講堂依然古桂鬱蒼蒼少曾過佛初禪地

老覺驚心舊戰場

余於乙丑試此補諸生至今幾三十年矣

退筆無花開藝苑絳蕭

有屋傍漁莊夔龍事業諸公在剩許江湖放我狂

和友人落花詩

綺窗一枕小游仙腸斷穠華過去緣薄命生招風雨妬  
多情枉受蝶蜂憐更無一語歸何處再欲相逢動隔年  
緣已成陰芳早歇鬢絲愁絕杜樊川

開太艱難落太輕一番來去不分明經年空累僮澆甕

甌北詩鈔

七言律二

四

昨夜纔邀客治觥柳線難將離跡結榆錢似爲辨裝成  
最憐解脫塵緣後尙作拖泥帶水行

羯鼓催開日未西黃陵廟已鷓鴣啼尙餘舊蒂成雞肋

剩有殘香襯馬蹄逐客天涯憐白也美人帳下泣虞兮

縱教數灘流還見欲問桃源路總迷

芳園蕭索似經秋滿地殘紅爛不收過客也驚停屐齒

小鬟猶誤覓枝頭描來粉絹空神似解到金鈴只淚流

飄落不知何處去又因籬溷替他愁

新絕

爭妍解語悵難分日斷長天日暮雲啼到子規剛別我

夢爲胡蝶也尋君元都桃憶前回看玉笛梅傷五月聞

爲有去時痕迹在呼童且莫掃苔紋

漫興

俯仰會無俗累牽始知身是一頭仙  
村如老杜東西漢書有蒙莊內外篇  
門任婦持便我懶詩無人解向兒傳  
三杯醺後渾何事閒逐鄰翁掠社錢  
淳朴鄉風少禮文瓦盆春酒有餘芬  
雞豚聲亂籬仍別榆柳陰連界不分  
看戲人歸談古事負暄叟坐述前聞  
眼前便是華胥境何處還堪着俗氛

塵心瞥起一漚如繡佛燈前自懺除  
詩不與人爭險韻字常倚老作行書  
蟲賡永叔秋聲冷蝶去莊生曉夢蘧

甌北詩鈔

七言律三

五

回數生平勞碌處楞嚴讀罷但軒渠  
豪宕猶存少日心不知老態已相侵  
觀書眼漸訛三豕導氣身將學五禽  
直養文魚圓似卵盆栽小竹瘦於針  
當時笑是衰遲事誰識親從此境尋

爲人作墓誌後戲題

屏跡渾如避債臺尙嫌酬應拒還來  
碑無裴相酬嫌數畫豈文同要韞材  
老去恥供諛墓作賤時多愧嫁衣裁  
祇應結習軌文字官罷仍爲老秀才

卽事

發帑頻聞至再三歲功雖歉國恩單  
賑多錢可青黃

接俗厚丸無赤白探幾見宵人驚吠犬早聞春女喚分  
蠶飢羸終免流亾去始信 朝家德澤涵

門人費芸浦舊爲吾郡守余自黔歸君已丁外艱  
將去僅一握手而別今赴京補官枉道過訪留

連信宿詩以贈行

出處殊途酒一尊直廬重感舊巢痕

余與君先後  
入直軍機

久衰親

髻宜歸里未報

君恩望及門五袴已聞歌父老一莊敢便托兒孫京華  
故友如相問歌咏昇平補素殮

五十初度

甌北詩鈔

七言律三

六

里居荏苒四經春忽作平頭五十人去日已多行歎老  
罷官未久敢言貧味餘書卷消磨慣  
恩在朝衫檢點頻却愧半生辛苦力祇供成就一閒身  
朋酒茅簷話雨晴朝衫脫後一蒼生漫勞海內誇高尚  
要向田間味太平犬足有禿忘夜吠牛胡無喘健春耕  
老農見慣渾閒事誰識都從  
帝力成

束髮攻書志決科奔馳榮利爲華珂不曾白髮歸雖早  
無補蒼生愧已多唱第五雲籠藥榜從軍千騎擁瑠戈  
而今總作浮漚看付與人間春夢婆

聞翻青史覽窮塵。歷歷前聞觸緒頻。一代文章誰作者。  
古來出處幾完人。雕蟲祇與蟬供飽。畫虎多爲狗寫真。  
不覺又增身世感。摩挲髀肉暗傷神。

除却親闈侍藥醫。更餘何事足縈思。輸官租稅完常早。  
祭社牲牢宰不私。妻妾無爭兒互乳。弟兄垂老爨同炊。  
家風豈敢誇顏柳。或可垂爲子姓規。

學佛求仙枉費功。年來漸覺總成空。歐陽但有詩三上。  
徐邈時於酒一中。材不材間身可老。味無味處句難工。  
海山兜率俱安在。只合頭銜號長翁。

自郡城歸

甌北詩鈔

七言律三

七

一葉扁舟映曉霞。柴門將近落帆斜。人疑舊雨來尋友。  
我與春風共到家。篷背白餘殘雪片。船頭紅載小梅花。  
上元節物惟燈事。略與高堂賞歲華。

題袁子才小倉山房集

其人與筆兩風流。紅粉青山伴白頭。作宦不曾逾十載。  
及身早自定千秋。羣兒漫撼蚍蜉樹。此老能翻鸚鵡洲。  
相對不禁慚飯顆。杜陵詩句只牢愁。

舒卷閒雲在絳霄。平生出處亦超超。曾遊瀛苑空三島。  
愛住金陵爲六朝。富貴豈如名有味。聰明也要福能消。  
災梨禍棗知何限。此集人間獨不祧。



寄芷堂二首

纔傳閩嶠妙持衡。又轉蜺旌指渭城。視草久高唐內制。  
論文恰到漢西京。禁中才子微之句。年少仙人子晉笙。  
如此清華誰不羨。通門亦覺有餘榮。

一編清課出冰廳。

君以所刻館課見貽

早擅千秋著作庭。絕艷不須

施粉白。高才真覺出藍青。搜羅遺逸窮三篋。鼓吹休明  
本六經。笑我已無詞館職。賞奇還剔短檠榮。

小倉山房集中有咏物詩戲用其韻

九首之四

鏡

照膽圓光妙寫神。江心鑄就淨無塵。誰從對面偷描我。

甌北詩鈔

七言律二

八

忽漫分身作化人。藏醜一毫難作假。效顰雙黛最傳真。  
只因老怕看華髮。不許移來菜几陳。

簾

掛起湘筠蕩日光。銀鈎不捲靜縈香。玲瓏霧縠三千縷。  
隱約金釵十二行。映沼斜梳波影皺。當窻橫織雨絲長。  
夏侯堂上尤增貴。省得歌姬錦繡粧。

燈

一穗銀釭小作聲。空堂無喜也相驚。爲人嘗盡寒窻味。  
有女曾分夜績明。舞字伶工千隊整。修書學士兩條清。  
老來忍便拋牆角。炳燭餘光尙有情。

杖

蹇劣平生愧逐羣。一枝籐助草鞋勤。青山獨往誰同伴。  
白首相依剩此君。任與壽。又閒倚。壁行隨蠟屐。緩拖雲。  
居然勃窣翁。稱健踏葉歸來日未曛。

諸作與原倡可稱勁敵  
保泰

哭徐肇瑣

晚晚相依各二毛。何期遽隔酒爐遙。一腔熱肯逢人灑。  
兩耳聾。常怕客。嘲野鷺。書成名。自負河魚腹。痛疾難消。  
君以腹疾卒 那禁腸斷雲溪渡。步履曾過話寂寥。

卧病仍聞志未灰。料量門戶剪蒿萊。埋文預乞傳人筆。  
昔酒猶温宴客杯。今春曾囑余作生誌  
臨發前四日猶饒客 白鶴化憐君不返。青蠅

甌北詩鈔

七言律二

九

甲與我同來。從今舊雨存。還幾老淚濡毫賦。八哀

戊戌春日

北堂夢杳痛難追。春露驚心又一悲。從此遂無為子日。  
初心長負去官時。絳跣忍讀循陔句。墨食猶遲負土期。  
苦塊餘生感中夜。淒風颯颯總帷披。

編校文端師集感賦

悵別音容二十年。今朝重幸讀遺編。感深難忘三條燭。  
才大會推萬斛泉。我欲往從嗟在後。人思得覩快爭先。  
寒燈攤卷閒相對。還似摳衣絳帳前。

久推勲德冠班行。餘事仍看各擅場。真草淵源王內史。

文章臺閣李東陽獨扛健筆探孤詣不立專門攬衆長  
藝苑他年論古學醉翁門是一津梁

忍辭校勘夜窻幽神理須從象外求與可畫先胸有竹  
庖丁解在目無牛名將後輩添描畫味要門生議去留  
他日九原相見處此心或可證千秋

肇璜歿後其子以君手植杜鵑一本見貽感賦

一枝躑躅贈留遺老瓦盆經手澤滋會記賞花徵勝友  
忽如開閣散歌姬到應推愛同烏鳥名易傷心比子規  
贏得故人思舊淚與他一色染胭脂

寄使相欽齋李公

三首之一

甌北詩鈔

七言律三

十

廿年嶺嶠淡恩膏又見滇南駐節旄將相官兼韓魏國  
華夷地控蜀韋臯鐵橋有路蠻輸費銅鼓無聲盜賣刀  
半壁西南資坐鎮紀功應勒點蒼高

舟泊京口王夢樓前輩邀遊北固山蒜山諸勝置  
酒江閣流連竟日卽席有作

握別京華十五年故鄉重喜履綦聯人曾泛海隨星使  
家住臨江作水仙老境風流猶顧曲儒門淡泊忽逃禪  
故應海岳庵邊路不可無人繼米顛

滇嶠歸來髯未秋萬籤高擁一窻幽詩名尙愛稱才子  
官位幾忘是故侯碧海鯨魚傳麗作楊枝駱馬遣閒愁

羨君天與無花眼。燈下蠅頭寫更道。

孤亭俯瞰大江濱。箕踞狂談岸幘巾。此樂動論千百載。素心豈易兩三人。筍輿度嶺遊終日。蒲酒移尊勸幾巡。又破先生杖頭物。蘆碕小閣荷留賓。

德定圃漕帥移節撫閩道過常州相見話舊賦呈

衙鼓趨塵憶往年。斯文臭味荷深憐。狂容傲吏頻揮麈。貧識儒官不愛錢。青史勲名公作督。白頭著述我歸田。雲泥無分隨班祝。剩托心香到海天。

贈莊似揆

凌雲賦筆最翩翩。忽輟屠牛試小鮮。傀儡身閒催戲鼓。

甌北詩鈔

七言律三

十一

琵琶人老到商船。折腰宦味從今日。回首名場失少年。何物人間向平累。爲他婚嫁誤神仙。

千古同嘆舟

秋帆中丞聞余銜恤之信遠致厚賻詩以誌感

匪莪誰唁堊廬幽。忽拜朱提過五流。孤子餘生桐削杖。故人高誼麥連舟。到逢澗轍真遮鮒。來自廉泉可飲牛。誰肯官高還念舊。此情須向古人求。

題幘難稱嶽嶙峒。華袞偏叨剪拂新。

舊題公陟華圖過蒙獎許

老尙雕

蟲良可愧窘方祭。獺已嫌貧一編若論千秋業。四海無過十數人。笑我此中何處着。枉同食蓼味含辛。

一縷心香息衆囂。已甘門徑掩蓬蒿。書難盡信常疑孟。  
詩偶無題且和陶。白日百年浮世短。名山一代幾人高。  
尙隣捉鼻清吟處。見笑人間湖海豪。  
名句

刊刻汪文端師集。既就兒輩勸以抽集。付梓勉狗  
其請書以誌愧

師資幸托棗梨酬。愧以蕪詞續選樓。閒惜半生心力瘁。  
老思一卷姓名留。先生在日曾青眼。弟子如今也白頭。  
太息斲輪人已去。乞誰刊定夜窻幽。

早從詩句判升沉。鳳翹朝陽鶴和陰。公有文章兼事業。  
我無鐘鼎竟山林。敢追漢殿凌雲賦。聊附康衢擊壤吟。

甌北詩鈔

七言律三

三

重向燈前展師集。始知盛世有元音。

纔識甘辛髻早殘。竿頭欲進步蘭單。千秋如許談何易。  
一字求安已大難。未免惜他雞肋。棄知誰留此豹皮。看  
只餘結習難消處。或作微漚點海濶。  
甘苦自喻歌

服闋後親友多勸赴官作詩誌意

祥琴纔罷忍彈冠。多少鑼聲促上竿。垂老書成名士餅。  
旁觀欲敗煉師丹。敢憑野笠驕文繡。恐食官倉又素餐。  
舐掌孤熊自知分。不關貪坐釣魚灘。

此身敢便托高雲。實以迂疎怯組纒。苦筍味堪差致仕。  
甘蕉生怕受彈文。我需於世原無幾。客望斯人恐太殷。

多少田間身再出。聲名往往損清芬。

### 浙遊口占

七年不出邑東門。忽買扁舟去故園。南浦一篙新漲水。  
東風三月落花村。懶常閉戶將終老。貧則求人稍貶尊。  
落魄江湖重載酒。倦游情緒總難論。

舟過無錫晤顧晴沙觀察適同年陸朗甫方伯乞  
養歸亦以是日至遂同游惠山

千里關心出處身。停雲遠望每勞神。十年但作相思字。  
一日欣逢兩故人。近狀共驚新白髮。舊遊重話軟紅塵。  
歸田同此循陔願。歎我今偏不逮親。

### 甌北詩鈔

#### 七言律三

三

素節相期玉不瑕。看他宦海競時華。幾人叔度曾歌袴。  
佳士君謨亦製茶。一部河渠胸有竹。朗甫以所著  
運河考見贈百家詩  
格眼無花。晴沙善  
論詩品泉亭下相攜坐。此味何如早晚衙。

### 到杭州寓門人沈南雷儀部宅卻贈

浙水分攜十四春。重來相見倍情親。西湖要我爲遊客。  
東道因君有主人。掃榻爲安行李穩。典衣催治酒肴珍。  
及門著錄知多少。誰似彭宣誼最真。

清風廉使舊留貽。謂尊人椒  
園按察蘭綺家聲似昔時。投刺到門無

俗客。讀書滿屋有佳兒。手栽桃李皆時彥。事畢松楸近

逸期。君履膺典試分校之  
後今以服闋將赴補議禮曲臺資掌故。鋒車莫漫出山遲。

西湖晤袁子才喜贈

不。曾。識。面。早。相。知。良。會。真。成。意。外。奇。才。可。必。傳。能。有。幾。  
老。猶。得。見。未。嫌。遲。蘇。隄。二。月。春。如。水。杜。牧。三。生。髻。有。絲。  
一。个。西。湖。一。才。子。此。來。端。不。枉。遊。資。

去歲莊似擬自陝回秋帆開府寄聲慰唁且約余

作陝遊今似擬赴陝與余結伴行有日矣會時

將伏暑遂不果寄詩述懷

形勝三秦控塞垣儒臣開府鎮雄繁

帝將節鉞儲良相世仰文章稱狀元千騎上頭雙纛肅

九州西面一關尊立身豈但蓬山頂要使勳高華嶽論

甌北詩鈔

七言律三

十四

一從初服返茅齋屢接郇箋老眼揩出處豈關天下望  
寒暄偏累故人懷春風渭樹人千里秋露秦葭水一涯  
不是雲霄能念舊誰從林下問芒鞋

驅車已擬赴臨潼半爲尋詩半訪公召伯化從分陝見  
賈生文愛過秦工身非熱客愁衝暑時正炎官欲逞雄  
我本苦吟驢背者來須風雪灞橋中

王述菴從軍滇蜀凱旋後超擢廷尉茲乞假歸葬

事畢還朝道經毘陵停舟話舊賦贈

滇疆蜀徼佐軍籌秦凱歸來進秩優巖壘久知生介冑

貂蟬真見出兜鍪公蒙恩賜孔雀羽焚黃詔特榮先壟飛白書應

起

賜樓新構第宅第宅卻憶吾家老元叔與公會共赴星郵傷環前

三四一聯精切工雅傳誦京師不虛也德麟

大學士雲巖阿公平金川後治河豫省事畢趨赴  
行在道經淮城相見話舊敬呈

信有熙朝柱石臣文經武緯贊鴻鈞蠶叢路闢千重

嶺麟閣形圖第一人郭令勳名真蓋世范公憂樂總關

民十年重見頭還黑此是蒼生福正新

征南幕下記趨隨親見籌邊策不遺意氣人皆吞小醜

事權公是統偏師畫灰回憶爐邊字剪燭重論局後棋

今日勳庸滿天下苦心能得幾人知

甘苦共嘗故不覺其言之親切保泰

甌北詩鈔

七言律三

五

渡江

塵沙千里點征衫今日金焦覽碧巉潮定未分消長水

風橫兼使往來帆過山不上僧含笑

擬登山不果

到岸無驚客

解嚴計日鄉園看梅雨遙知濃綠滿松杉

潮定一聯新絕舟

晚泊京口

浩浩江頭沸市聲敢篙暫候晚潮生大風白浪平吞岸

落日青山半入城地險南徐曾作鎮時清北府漫論兵

一編丁卯詩人集留伴孤舟對月明

通首雄渾放

喜晤嵇蘭谷話舊

記得班荆在點蒼

君官滇時辦軍郵點蒼山下余從軍過之談竟夕

軍郵千仞正輸將半



空有路聞雞犬。六月如冬下雪霜。往事俄成泥爪幻。均  
徭猶頌口碑長。可應憐肉潛生後。重話生平舊戰場。

蔡節婦詩

姓張氏。諸生蔡士荀妻。三歲而寡。撫孤。謙光成立。

女流中有此鬚眉。髮髻當門隻手支。舉案風情三歲了。  
避人涕淚九原知。冷灰畫荻孤兒字。宿火鳴機寡女絲。  
今日泥書旌綽楔。清芬長附柏舟詩。

官嶂山晚眺

蓬萊弱水是耶非。萬頃烟波繞翠微。遠鳥似投天外去。  
神魚或出浪頭飛。日斜樵徑歸柴擔。風起罾船打水圍。  
如此湖山近鄉社。真慚不早占漁磯。

甌北詩鈔

七言律三

六

村舍卽事

結習深知癖未除。時供流輩笑軒渠。懶愁束帶見生客。  
老尙典衣求異書。肯<sub>之</sub>足音空谷外。稍留目力短檠餘。  
山妻來告餐無肉。答道今朝正喜蔬。

解嘲敢引北山文。游惰仍慚穀不分。閒每勸人爲善樂。  
貧惟教子讀書勤。漢陰機息無爭俗。韋孟詩成總舊聞。  
報國已無康濟具。或於風教補微勳。

一編勤過舉場時。積漸家風暗轉移。柳氏婢能輕賣絹。  
白家媪亦托知詩牀。無阿堵煩人舉。手有摩尼誦佛持。  
只恐風流遂成習。滿門俱作虎頭癡。

鄰翁邀我餽香杭。雜坐何嫌笑語倉。將酒勸人無惡意。  
借花獻佛也真情。杜陵泥飲遭田父。阮籍酣呼對老兵。  
短髮飄蕭晚歸去。路人喚作醉先生。  
結句風趣獨絕

與杏川念肥再渡太湖至馬蹟山

又指夫椒泛蔚藍。共強此老近游貪。氣吞雲夢尙八九。  
人在野航恰兩三。風月從來無盡藏。湖山寧厭有幽探。  
墓田丙舍如營就。便擬幽棲吸翠嵐。  
時爲先母營葬地

哭外舅大學士程文恭公

黃扉方仰贊鴻鈞。何意騎箕遽返真。上殿每陳寬大語。  
舉朝共服老成人。故鄉屋僅堪容膝。退直書常擁等身。

甌北詩鈔

七言律二

七

欲識蓋棺公論定。早聞歎息徧朝紳。

官班台輔壽耆年。寧復餘恫抱九泉。老去香山猶望子。  
病來疏廣未歸田。  
公以姪爲嗣晚年常有乞身之思以恩重不敢請孤寒有客傷垂淚。

言行何人錄。作編慚愧向蒙元。獻愛難將薄劣繼。薪傳

上元夕毘陵驛前泊舟與蓉龕前輩看燈

聯舟小泊運河濱。正是元宵節物新。邀月恰邀邀月客。  
看燈兼看看燈人。官符不下城門鎖。使節猶遲驛騎塵。  
冠帶迎賓尙游戲。可知都是野鷗身。  
時陳玉亭制府將過同出遊之

和敬輿見題拙集之作

一編寧復賭時名。聊遣閒愁自課程。身到罷官如敗將。

詩因遇敵想交兵才無列宿胸羅富味憶沉香鼻觀清  
多愧故人虛獎借尙嫌熟處未求翁

將入都留別蓉龕蓉溪秋園敬輿緘齋諸人

幽棲十載穩江鄉忽被鑼聲催上場有幾故人皆白髮  
多年老婦再紅粧連宵置酒煩驅唱往日聯裾似雁行  
別後定知真率會也應爲我一停觴

途次先寄京師諸故人

防墓粗完四尺墳四月初間營先母葬事畢此身敢遂鹿麋羣縱貪野笠

非高士未忘朝簪爲

聖君柔櫓輕搖南浦水征衣猶帶北山雲最憐手植成

甌北詩鈔

七言律三

六

圍柳臨別依依結夕暉

身托循陔十載閒本期再出玷朝班敢憑奉母三遷里  
便作辭官六聘山行笈封題新字濕朝衫拂拭舊痕斑  
只慚經濟無毫髮終恐虛糜廩粟頌

一出春明廿載遙衰遲敢復逐時髦江文通已無殘錦  
藍采和惟有舊袍仕宦幾家收局好聲名平日在山高  
祇應晚節供描畫共笑巢由下拜勞

喫過鱗魚始出門問渠何事戀江村家貧婦或勞兼婢  
身老兒還小似孫惘惘可憐原俗態悠悠相望也銷魂  
始知膽力非年少愧以孱羸說報恩

身老句可移贈子才叔

高郵平毛惜惜本姬女也南宋末城破後賊將呼之竹酒大罵不屈死

死忠事豈責蛾眉樂籍偏成此段奇  
毒隱技空稱俠女  
海青身尙是男兒胭脂香慘花爲血  
環珮魂歸月浸屍  
多少鬢眉盡何處并無凝碧暗吟詩

將至臺庄忽兩臂頓患風痺客中無醫徹夜酸痛

廻舟歸里感成三律情見乎辭

陸程正擬上征鞍忽中風痺兩手攣人笑暮年重出仕  
天將衰疾教休官曲肱已碍牀安卧折臂翻如石自殘  
灼艾連朝凡幾炷可憐徹骨夜呼酸

憶昔從軍絕徼秋擬憑赤手縛蠻酋曉泅漳水羊渾脫

甌北詩鈔

七言律三

九

夜枕腥皮虎鬪馮弓爲臂強翻覺軟檄當腕脫尙能道  
如何一副幽燕骨今日衰殘作贅疣

警絕舟

來往郵程一月期歸航仍繫綠楊樹里鄰笑客原輕出  
猿鶴催文已久移散遣僮奴住處去收藏袍帶祭時披  
慚他斗酒山妻話枉費臨行餞伏雌

養疾未愈書感

經時衰疾卧江天芒角空煩到酒邊老我頭顱將壓雪  
看人圖畫到凌煙蒼生猶或期安石

聖主何曾棄浩然自是書生貧薄命晚途只許托林泉  
御屏會荷記微臣何忍江湖作隱淪如許百年空付我

徒將萬卷去驚人看花紫陌懷前度種藥青山過此身  
歲晚滄江幾回首卿雲五色麗高旻

蒼涼

觀穫

依舊平疇方罨痕疎行一一見陳根遭風今歲多禾弟

呂覽禾先生者爲米後生者爲  
秕故耨者長其兄而去其弟

過雨他時有稻孫稻已獲其根得雨復長  
曰稻孫米蒂取以名樓

見說

人似翅開飛蛺蝶

擔稻者  
結似

蝗如樹倒散狝猴稍欣計日

堪催釀黃葉秋風正打門

哭杏川老友

殘牙能啖肉盈斤方謂天教健補貧誰料汝爲長夜客  
始驚我亦暮年人白楊蕭瑟魂安托元草飄零字尙新

甌北詩鈔

七言律二

三

同學弟兄亡過半此身雖在已傷神

歲暮雜詩

頻年出處兩躊躇病廢今真守做廬身退敢談天下事  
心齋惟對古人書蓋頭有屋新編草食肉無錢慣茹蔬  
預擬明春看花會門生兒子昇籃輿  
少日虛名冀北空老來羞述舊豪雄目中敢謂無餘子  
海內漸忘有此翁鎖院草麻雞唱月郵亭揮檄馬嘶風  
追思寸管矜才地尙落禪家習氣中

消閒何物度晨昏一縷爐烟息衆喧歌舞戲場無樂地  
英雄歸路有儒門勤抄先訓編家法虔祝豐年報

國恩青史他年傳人物少微星倘在江村。

億生乞假南歸京華故人程叢園孫補山張吟薌  
諸公俱寄聲存問感賦

屏居誰問讀書燈只有生平幾舊朋科老將如祧廟主  
官休已似退堂僧書來輦下人千里夢對窗前月半棧  
自是名流憐臭味相思何日辦行滕

聞心餘京邸病風却寄

江湖十載穩漁蓑重入詞垣髻已皤只擬老當嘗蔗美  
誰知上有積薪多遷官階淺思烏府

君歸養十餘年及再入詞館則資俸已在後輩之後乃保

送御史已蒙  
上記名

過客門稀感雀羅天末相思那得見翻君舊稿

甌北詩鈔

七言律二

三

一吟哦

跋扈詞場萬敵摧如何乃築避風臺少貪酒色終償債  
老訂詩文幸滿堆木有文章原是病石能言語果爲災  
可憐我亦拘攣臂千里相望兩廢材

億生以其先高祖恭毅公中丞世德詩冊屬題敬

書於後

百年門第映朝霞遺澤真看累葉賒父老尙因碑墮淚  
子孫能保笏傳家青楊巷古常排戟紅藥階深又草麻

自公至臧齋皆繼任今  
映川又官中書舍人

一頌遂成操左券豈徒集錦麗詞華

雲巖相公奉使再過常州舟次趨謁敬賦

使節臨臨許再攀喜看丰采尙朱顏千秋人在英雄傳  
一等官高將相班瓠子河新平濁浪蓬婆軍人靖遙關  
錄囚豈足煩公到要飭官方立檢開

公方赴浙江  
治苞直之獄

### 第一孫生誌喜

中歲纔經嫁娶期未遊五岳髻先絲家貧聊喜添丁富  
孫早差償得子遲賀客競稱循吏報老妻自詡作婆時  
笑他白髮程文海七十平頭始抱兒

程葢閩年近七  
旬今歲始得子

### 隴北詩鈔

七言律三

三

笑卧自來珠文寄計十年更做賦

自十年後賦  
猶賦詞上賦子

祗早羨前醫千發賚容幾博前東壻

東壻自隨者  
東壻

中賦齋齋變與未羨正留辭次絲

絲字會  
將喜者

### 第一孫生誌喜

殺囚豈以賊公庭要商官式立錄

官式立錄  
錄

一筆官高傑用也

傑用也  
傑用也

面曾孫謝舊再經喜

喜  
喜

陽湖 趙翼 雲嶽

仙掌路

真州地名相傳柳者柳墓在焉故王阮亭真州詩有殘月曉風仙掌路何人為弔柳屯田之句然曾達臣獨醒志者卿死葬棗陽縣之花山每歲清明詞人集其下為弔柳會則柳墓不在真州也或訛傳耳

一邱兩地各爭高只為填詞絕世豪漢上有墳人弔柳漳南多塚客疑曹金莖名竟移沙渚鐵板聲休唱浪淘我趁曉風殘月到縱無魂在亦蕭騷

秧針

誰散銛鋒似嫩蕪纖柔不比劍裁蒲引他梅雨絲絲縷繡出繭風幅幅圖翠剡出波真脫穎綠芒承露亦穿珠

甌北詩鈔

七言律四

笑看野老如樅指自詫拈針賽小姑

雜感

酒樓依舊繡簾垂曾寄閒情杜牧之紅粉已為山下土白頭增感鬢邊絲銀釭明燭傳觴令錦瑟哀絃卻扇詞老去風懷已銷歇也因陳迹一含悲

周長庚舊於坊刻詩選中見余名以為古人也今

邂逅山塘具述傾注之意答詩誌愧

姓名忝附選樓文四十年來句已陳敢說魏三今隱士竟疑陽五古賢人錦囊幸免遭投廁紅袖知誰肯拂塵

所愧暮年何所就猶將研削耗精神



題元遺山集

身閱興亡浩劫空。兩朝文獻一衰翁。無官未害餐周粟。  
有史深愁失楚弓。行殿幽蘭悲夜火。故都喬木泣秋風。  
國家不幸詩家幸。賦到滄桑句便工。

題吳梅村集

才高綺歲早登科。俄及滄桑劫運過。仕隱半生楞散跡。  
興亡一代黍離歌。死遲空羨淮王犬。名盛難逃惠子騾。  
猶勝絳雲樓下老。老羞變怒罵人多。

國亡時早養親還。同是全生跡較閒。幸未名登降表內。  
已甘身老著書間。訪才林下程文海。作賦江南庾子山。

甌北詩鈔

七言律四

二

剩有沉吟偷活句。令人想見淚痕斑。

梅村得此可以無憾矣  
保泰

和友人拂水山莊感賦原韻

飛瀑依然萬點多。當年養望此岩阿。空山竟不生薇蕨。  
破屋徒憐補薜蘿。人笑褚公猶齒冷。家還江令已頭皤。  
如何領袖山林席。名節翻輸一翠蛾。

蕃釐觀懷古

一朵奇香換國家。蕃釐觀裏出名葩。遂勞下水風帆錦。  
此亦南朝玉樹花。應笑閭梅空冷淡。曾偕隄柳映天斜。  
至今根已無遺種。化作傾城粉黛華。

史閣部祠

遺像清高故相祠當年建闢已殘棋紛紜國事千絲亂  
辛苦軍籌一木支箕尾歸天空有氣衣冠作塚并無屍  
聖朝褒卹恩何厚碑版煌煌

御製詩

屢接秋帆開府手書兼寄珍裘賦謝

曳履雲霄已隔座。郇箋偏荷寄書頻。尚餘范叔袍。憐我  
不作宣明面。向人廣廈更期分。庇普緇衣敢辱好賢真。  
五陵裘馬多同學。誰念江湖老病身。

同夢樓遊平山堂

切雲樓迴兩三層。勝侶偕來快一登。後輩舊隨前輩第。

甌北詩鈔

七言律四

三

庚辰辛巳

廷

在家今作出家僧。

君持齋已十餘年

持齋不用燒豬待。

是日了凡代治具故以佛印爲喻

拾級還同跨鶴昇也。比蘭亭修禊會可應。

作序寫吳綾。

君書名擅一時

題棕亭見和長篇後卽贈

一枝健筆領風騷。老去詞源尚湧濤。至死不僵蟲百足。  
橫行無敵蟹雙螯。青樓香徑尋花熟。紅燭華筵對酒豪。  
流寓恰當名士地。康山風月價增高。

叢殘舊稿偶成編。敢說人間快覩先。數消暑寒吾輩老。  
萬千著述幾人傳。豈無郢唱能飛雪。未到秦焚已化烟。  
只有同時賞心樂。三分讀到七分圓。

街鼓沉沉夜正中。清吟人坐畫欄東。涼生旅館孤燈雨。秋在高樓一笛風。地縱近游仍是客。身誇老健已成翁。稍欣殘暑驅除去。明日湖航泛碧空。

子才書來驚聞心餘之訃詩以哭之

斯人遂已隔重泉。腸斷袁安一幅箋。預乞碑銘如待死。久淹床第本長眠。君中風病臥已數年去冬卒才過江西君預囑為其墓誌貧官身後惟千卷。

名士人間值幾錢。磨鏡欲尋悲路阻。茫茫烟樹哭江天。書生不過稻梁謀。磨蝎身偏願莫酬。忽漫焚魚辭薊闕。也曾騎鶴到揚州。屢移家去無黔突。君去官時先買宅金陵後堂教山陰揚州皆攜家住

甌北詩鈔

七言律四

四

晚又下居南昌再出山來已白頭。何限世間陽翟賈。傲人足穀與多牛。

十年館閣每隨行。角逐名場兩弟兄。可畏隱然如敵國。所當何處有堅城。久將身入千秋看。如此才應幾代生。我痛自關人物謝。區區豈特故交情。

公譙三元錢湘舫於未堂司寇第自司寇以下西

巖松坪涵齋既堂杜村及余皆詞館也江鄉此

會頗不易得司寇出歌姬侑酒以張之屬余賦

詩記勝卽席一首

綠酒紅燈紺袖花。江城此會最高華。科名一代尊沂國。

絲竹千年屬謝家。搗陣頻催拳似雨。頭銜恰稱臉如霞。  
女郎顧四娘乞名於湘  
船湘船贈以霞娛二字無雙才子無雙女。併作人間盛事誇。

六十自述

流年俄屆杖鄉期。樗散生平概可知。傳世料無青史分。  
歸田曾及黑頭時。閒增手錄書頻校。瘦減腰圍帶屢移。  
老嫗縱然思再嫁。頗慚面已皺生皮。

十年屏跡卧江村。往事真堪目笑存。才子聲名徒嚇鼠。  
好官滋味略嘗鼯。篝燈一穗寒無燄。木榻雙趺隱有痕。  
子晉吹笙已仙去。此翁長守藥爐溫。

生平游跡遍天涯。塞北交南萬里賒。人羨見聞增宦轍。

甌北詩鈔

七言律四

五

天如成就作詩家。翻來笳拍傳紅粉。繡入弓衣抵碧紗。  
一卷風烟紀行什。頗同海客泛星槎。

髻絲禪榻影飄蕭。看盡人間覆鹿蕉。尙未成僧緣。食肉  
久辭作吏且。伸腰所愁原壤無。稱述若比黔婁已富饒。  
消遣殘年復何事。江天風物寫漁樵。

平山堂似繡屏開。好友相招月幾回。地有歐陽遺跡在。  
人疑杜牧後身來。樓臺兩岸名園接。燈火中流畫舫迴。  
他日紅橋誌修稷。老夫曾此屢銜杯。

頗思隨俗一稱觥。儉歲家家食藿羹。安得黠金施小惠。  
自嫌畫餅剩虛名。身無半畝憂天下。眼有千秋愧此生。

米貴恰宜師辟穀好教年老漸成精

寄述菴按察

蠻徼從戎髯未皤記曾聯騎挽雕戈王尊又上邛徠坂  
劉秩真當曳落河往事眼前如未遠故人海內已無多  
秦雲遙望三千里甚欲相尋奈老何

米價日增旅食不免節縮書此一笑

未試仙家辟穀方且謀節食爲空囊梅花瘦我疑孤鶴  
菜把驕人食萬羊門館漸稀留客飯奴童竊謂減軍糧  
卻慚書卷空填腹不抵充饑一覈糠

菜花

甌北詩鈔

七言律四

六

始信東風氣力深盡將原野作芳林莊嚴老圃三春菊  
富貴田家滿地金正色遙分曇佛面濃香不上女郎簪  
前劉縱失桃花約差免空來紫陌尋

吳陸朗夫開府

紫薇紅藥老同年開府纔登訃已傳生有立身千仞壁  
死無遺橐一文錢曉衙鼓散心如水夜館金來手指天  
遙識湖湘清德在有人墮淚峴碑前

金山咏韓忠武事

滿江風捲怒濤聲千載如聞戰鼓鳴南渡君猶能將將  
中權帥竟出卿卿時清兵燹無遺跡事往英雄尙大名

愧我亦曾身執戟。至今仍作一書生。

康山席上遇歌者王炳文沈同標二十年前京師梨園中最擅名者也。今皆老矣。感賦。

燕市追歡夢已賒。近游欣此度紅牙。豈期重聽何歡曲。恰是相逢劇孟家。歌舞夜闌看北斗。江湖身遠憶東華。當年子弟俱頭白。忍不飛騰暮景斜。

再過淮上晴嵐留飲荻庄卽事

潦後重來訪荻庄。西風踏葉徧籬牆。行厨酒屢斟重碧。留壁詩猶掛硬黃。家幸未沉河伯婦。人傳已作水仙王。淮石大小多訛傳之信衰年何意頻相見。把臂寧辭放老狂。

甌北詩鈔

七言律四

七

晴嵐以余六十枉詩稱祝次韻奉答

交誼真叨白首新。好詩矜寵到鱸蓴。十年以長公稀古。君年七十一事無成我負春。來日固難多去日。後人將又視今人。文章功業俱安托。虛忝儒冠七尺身。

冷淡生涯覓句新。久將閒跡寄湖蓴。黃楊樹長偏逢閏。紅藥花開已送春。年命曾陽揮後日。功名鄧禹笑中人。祇應憑托昇平世。穩作林間冗長身。去聲

一枕

一枕槐安夢已捐。此身何處不翛然。課程排映晨稽古。心事焚香夜告天。庸福寧求木居士。高踪或比地行仙。

偶翻除目尋交舊半在三霄半九泉

陳繩武司馬招同春農寓齋讌集女樂一部歌板  
當筵秉燭追歡卽事紀勝

風景真令裂老顛衣香人影賦如烟難降席上胭脂陣  
甘受空中指爪鞭曲調轉因邀顧誤燈光似爲定情圓  
何當禁斷蝦蟇拆窟室長酣不曉天

春情益益夜迢迢占盡烟花廿四橋少女風柔偏覺暖  
書生魂小不禁銷霜迴瓊戶簾衣隔月避金缸蠟樹燒  
細數生平斷腸處此番也算可憐宵

馬湘寇白舊平康名字流傳齒尙香一夕綠尊重作會

甌北詩鈔

七言律四

八

百年紅粉遞當場濃粧氣壓冬烘客艷曲聲翻夜度娘  
惱煞司空誇見慣累儂臨老發清狂

李欽齋制府以兵事入閩邀余同行賦呈

忽隨使節別江村爲掃閩南瘴霧昏朝倚重臣威海  
國我慚退士入軍門筆無草檄新才思刀有征蠻舊血  
痕莫笑掛冠翻入幕報師恩卽報

君恩

十載

十載江湖穩釣舟忽叅戎幕佐軍籌人疑白首何輕出  
我爲青山未遍遊野店客魂雞膈膊殊方蠻語鳥鞞斲

憑添一卷閩南草翠壁題名處處留

### 海上望臺灣

極目滄溟浪接天中藏掌大一山川當年曾比田橫島

舊為海道郡  
成功所據

今日重煩楊僕船颶力吼來風有母妖氛掃去

水無仙

周孫  
恩事

臨流遠想熊津督曾被周留定海埏

### 弔湯緯堂殉難鳳山

一官海外正班春伏莽無端起劫塵絕徼巖疆城守責

名場詞客陣亡身民皆相率登陴哭賊亦羣驚按劍瞋

挺劍殺  
賊而死

定有他年樂社祭傳芭曲裏送迎神

訟堂閒處富吟箋不以才傳以節傳宦遠似飄羅刹國

### 甌北詩鈔

七言律四

九

魂歸好附賈胡船生前詩有題襟集君集近人句  
作詩話數卷身後家無

負郭田漫讀孝經堪退賊可憐兒死父屍邊長君荀  
業從死

### 海上

極目蒼茫水接空兵氛遙指海天東人油作炬燃宵黑

魚眼如星射浪紅炎微無村非瘴癘戰場有鬼是英雄

紛紛伏莽何時定翹望征南矍鑠翁

### 擬老杜諸將五首

炎海冥冥瘴未收井梧信到又經秋閨人夢去飄羅刹

野鬼魂歸哭髑髏百道舳艫催轉粟連營刁斗警傳籌

挑燈閒看平臺記七日功成想故侯



絕島桑麻久。太平僑居人。總買田耕。但存清吏理。羹節那有奸。民歎血盟諧。價苞直官判。牘曼聲絲肉。妓傳觥釀成。一片塗膏地。太息憑誰問。主名。

提兵鷺島發。我舸家世通。侯鎮海波韜。略可施何太。緩萑苻初起。本無多懸軍。翻慮爲猿鶴。列陣徒聞彷彿鶴。自是軍謀要持重。幾時聽奏凱旋歌。

易將應看賊首函。到營又似勒枚銜。翻疑充國屯田守。豈有辛毗杖節監。臥甲征夫聽夜拆。搗砧思婦寄秋衫。祭風臺畔檣烏轉。枉費催開海舶帆。

衆志成城百戰場。直同疏勒守危疆。登陴慷慨三通鼓。

### 甌北詩鈔

七言律四

十

搏賊創殘半段槍。甲鎧煮來聊作食。蠟丸書罷不成章。重圍百日猶堅拒。始信朝家德澤長。

我洲以陝中遊草見示和其六首

### 驪山塚

百萬刑徒斲石徑。橋陵規制創尊榮。人間真有南山柳。地下幾移北斗城。他日豈知開汲冢。千秋此亦一秦坑。祖龍原識長生假。正在求仙又築瑩。

### 鴻門

風急牙旗颭。將壇殺機危。處託交歡一杯酒。竟將疑釋千載人。猶代膽寒目毗光。浮屠狗彘背疽病。爲沐猴冠。

重瞳終是君人量。成敗論人恐未安。

灞橋

咸秦東去指臨潼。舊有長橋似偃虹。詩思一天驢背雪。  
離情兩岸柳條風。臨流斷碣猶堪認。挽漕連檣已不通。  
曾是前人斷腸處。酒旗還映夕陽紅。

定軍山

將星夜落蜀山雲。丹旆歸來葬定軍。與賊勢終難兩立。  
斯人功竟限三分。豐碑曾墮居民淚。宰樹猶森故相墳。  
志決身殲遺恨在。至今忍誦出師文。

乾陵

甌北詩鈔

七言律四

七

一番時局牝朝新。安坐粧臺換紫宸。僕不妨居妾位。  
英雄何必在男身。林巒赭豈媧皇石。風雨陰疑妒婦津。  
同穴橋陵應話舊。曾經共輦洛陽春。

馬嵬坡

寵極強藩已不臣。枉教紅粉委荒塵。憐香不盡千詞客。  
召亂何關一美人。燉火自明孤驛夜。野花猶泣故宮春。  
誰知幾點胭脂淚。別有生離江采蘋。

又和荊州咏古四首

威懾曹瞞欲避鋒。豈虞狙伺起鄰封。英雄事有千秋恨。  
形勝今猶四戰衝。青史綱成終失地。  
綱目書失 白雲櫓到

尙傳烽如何一局無援著疑案常應咎臥龍

關羽

獨眼何曾不霸王七官文士豈能匡怕聽項羽重瞳敗  
斬對徐妃半面粧赴難終遲焦釜沃稱兵殊愧角弓傷  
可憐才藻多焉用一炬燒殘萬縹緲

梁元帝

拋盡山河剩渚宮選樓遺澤未應終萋苴已附三王後  
警蹕猶尊百里中聊比蠻夷佗竊帝差勝安樂禪稱公  
轉憐蕭銑生降日不得偏隅國

蕭啓

帳下奴遷節度班故應無賴保疆扃偏安王八朱三外  
得計朝秦暮楚問到處稱臣甘拜表親身謁帝急逃關  
始知草竊粗能立也要三分智計姦

高無賴

甌北詩鈔

七言律四

三

閩官兵屢捷志喜

絕徼兵戈望凱旋將壇別築選親賢龍驤飛渡無停晷  
騾騎承恩正少年過海地非頭痛國翹關人有肉飛仙  
先聲早落么磨膽神策軍來一抵干

西南北已武功皆豈意東溟起瘴癘戎索疆纔恢玉壘  
職方地肯棄珠厓兵收裨海蓬瀛島星貫穹霄畢昴街  
從此萬方清晏奏豈徒韓筆記平淮

軍事將藏余歸有日矣詩以誌喜

久作華陽陶隱居豈期老出治軍書廉頗已自三遺矢  
馮婦何堪再下車鄉夢迢迢千里外塵踪碌碌一年餘

稍欣奏凱期將近計日歸尋舊草廬

無端伏莽報興戎一片蟲沙小劫中作賊豈聞頭到白  
驅民已遍血流紅時平吏醉笙歌月事起兵寒草木風  
至此始知龔渤海賣刀買犢是奇功

也是塵勞債未償爲酬知已一番忙卿曾經事韓文約  
我決不爲陳自強幕下使材論履屐燈前握算調芻糧  
尙憑門館恩私地兼報當年食太倉

本爲遊山附羽翰久留軍府最無端肯從殷鐵還千祿  
翻似劉綿尙戀官萬斛樓船兵渡海兩甄桴鼓將登壇  
天教倦客歸期速一戰先聞定百蠻

甌北詩鈔

七言律四

三

偶閱查初白集中有汴梁雜詩八首但稱梁宋遺

墟殊未詳考按汴州自朱梁以宣武軍得天下

始建爲東都然溫僭位猶在洛也末帝方卽汴

爲京後唐仍遷於洛石晉至汴以其地便漕運

乃定都焉漢周宋因之劉豫受封亦嘗遷於此

金海陵謀南伐宣宗避北侵又皆來都此汴京

沿革故事也爰補其缺

八首之四

少年花項刺飛翎豈學班超燕領形早有美人驚衣白  
竟聞天子出雕青憤兵救命歸無路義子傳家討不庭

贏得榮封崇義爵歷年二百未曾停

戎衣一夕換袍黃。返旆從容上御牀。得國也從孤寡手。  
傳家難料弟兄腸。基開忠厚流終遠。運啓文明勢不強。  
遺澤試看南渡日。魚羹老嫗亦從王。

領得狼頭纛一枝。仍容守汴建朝儀。竟從故國乘黃屋。  
可憶當年拜赤墀。南收金戈奴叛主。北來玉冊帝稱兒。  
誰知他日臨潢徙五國。城中等淚垂。

一樣南遷雨不同。羶車塵土繡旗風。勢強飲馬長江外。

運去遊魚沸鼎中。喬木陰猶秋色碧。元道山詩兩都喬木皆秋色幽蘭軒

已火光紅可憐。一片青城月。又照蛾眉出故宮。

至福寧江淑齋太守方孝亭總戎陳廸菴明府更

### 甌北詩鈔

七言律四

古

番設讌兼同遊望海樓諸勝

踏盡千峯到福寧。奴欣飯白馬芻青。留行已剪招魂紙。  
出險應名至喜亭。歌板新聲催曲部。弓刀小隊叩禪扃。  
誰知經歲兵塵慣。有此歡場累日停。

一路舟車有司供。設頗具以余。從制府來也。書以

一笑

累他一路館餐儲。爲是平津舊主書。始悟洛官趨賈謐。  
豈真邛令重相如。已無按部雙華轂。且當遊山一筍輿。  
堪笑不因人熟者。此行翻假虎威餘。

上瀨船遲坐夕暉。畫眉聲老綠陰肥。地爲山佔幾無土。  
水到灘鳴不可磯。野鳴拘頭依石睡。水牛浮鼻渡江歸。  
羨他茅屋人家好。樵牧終年任翠微。

庚午同年平姚海孫星士葉古渠陳受棗招飲於  
吳山丁仙閣姚海有詩卽用其韻

白首同年尙五人。那禁握手倍情親。步聯謝客登山屐。  
醉濕陶家漉酒巾。地盡羽流無奉佛。山皆道觀無一佛寺坐仍齒序

不論賓居民驚見。鬚眉古只道羣仙戲降真。

早登解額正難量。回首俄驚四十霜。已嘆飛蓬雙鬢短。  
猶餘食粟一身長。地傳丁令歸來鶴。石是初平叱後羊。

甌北詩鈔

七言律四

五

合改山名稱五老。年年來此續歡場。

閬門晤玉西莊話舊

握手論交紫塞塵。春明一出見無因。每逢後進思前輩。  
喜聽貧官作富人。君生事頗足讀史共推糾謬細。著書爭祕論

衡新形容別久猶堪認。知是閒居養益馴。

書生老不肯。于休福不如。人名要留愧。我沉冥空廿載。  
如公著述已千秋。江湖游釣餘青笠。人世推排到白頭。

乞得士安佳序在他年。或可附名流。前歲曾爲拙集序

虎邱夜泊

夢斷山塘舊酒痕。扁舟重泊虎邱門。旗亭猶唱黃河曲。

香塚誰招紫玉魂。半夜鐘催燈影池。一弦月度柳陰昏。  
風懷久付茶烟颺。明日團蕉禮世尊。

題閩遊草後

嘯咏江湖髻已霜。忽添鏡吹入詩章。共知殷浩宜高閣。  
偏伴陳登臥下牀。醉後語言無忌諱。老來詩筆漸頹唐。  
只餘飽啖楓亭荔。口福天教滿願償。

兩行官燭半牀茵。蠻府叅軍亦苦辛。已見功收橐矢日。  
何須名出捉刀人。春蠶食葉行間草。野鶴歸山物外身。  
看到滿枰棋定後。爛柯樵已一年春。

最喜歸途傍海涯。浙東岩壑極幽遐。千年開道從康樂。

甌北詩鈔

七言律四

六

一路看山到永嘉。花草無名開錦幄。犬雞俱壽餌丹砂。  
此中好景誰消得。只合詩家與畫家。

到處華筵競餞賤。賓黎園法曲遞翻新。自緣好事陳遵轄。  
豈慕高名郭泰巾。舞態酣搖花映肉。歌聲軟度酒生鱗。  
當場作戲人何限。我是場邊看戲人。

將軍凱旋地方官。供張甚盛而將軍舟行迅速未

嘗一寓目也

靖海功高縛兩酋。凱旋喜氣溢星郵。摧堅已用琵琶腿。  
賀勝應簽玳瑁頭。

宋初選軍格用琵琶腿金  
章宗紀有優人搦瑁頭

綺繡葳蕤紛傳舍

魚龍曼衍繞行舟。頗聞軍令遄歸。蕭蕭滿眼繁華不寓眸。

繁華

繁華局裏一年春。差喜歸來未染塵。公瑾有醇堪醉客。  
劉輿猶膩解污人。一經可教聊存素。八口無多易救貧。  
慚愧親朋說高尙。無官豈卽許巢身。

再到揚州遊紅橋

兩年不見廣陵春。依舊紅橋景色新。並舫笙歌垂柳岸。  
隔簾金粉畫樓人。履綦有跡重移屐。詩壁無紗半沒塵。  
風物不殊人漸老。豈宜長作浪游身。

過淮哭晴嵐老友

攜手河梁僅隔年。荻莊亭館故依然。重來風雨聯牀地。

甌北詩鈔

七言律四

七

淒斷江湖載酒船。白首交游同輩少。青門文采後人賢。  
定文敬禮猶遺命。忍惜挑燈仔細編。令嗣蔭堂以君遺稿感定謂臨歿遺言也

心餘第三子。師退來謁少年雋才英。英欲發心餘。  
爲不死矣感賦

猶記荷衣出拜時。廿年重見有餘思。祥琴轉瞬初除服。  
宿草關心未刻詩。心餘詩稿尙未刻死有佳兒應瞑目。去爲才鬼

又燃髭

燃字正字通有平上二聲

虎賁曾動中郎感。况對王家玉雪姿。

次韻酬錢璵沙方伯

四首之一

江國相望兩草廬。履綦隨處澹容與。前途富貴雙蓬鬢。  
末路英雄一卷書。老樹著花逾旖旎。曉星如月漸稀疏。疎



終當一櫂來修謁花港同觀策策魚

攜兒姪五人俱至安定書院讀書

客授仍攜子姪多館人先爲掃庭莎我慚穎士稱夫子  
人笑承天似孀婆一味分甘忘旅食半窗拈韻有清哦  
如何身自誇恬退偏望兒曹早決科

紅橋

紅橋重泛木蘭船一片閒愁入管絃薄命桃花春雨後  
斷腸芳草夕陽邊三生杜牧曾遊處前度劉郎再到年  
慚愧旗亭歌板好美人猶唱白雲篇

白秋齋總戎輓詞

甌北詩鈔

七言律四

六

擁旄江國幾經春威在軍中愛在民官好境常無吠犬  
時平功豈必圖麟老爲林下鋤瓜叟歿有碑前墮淚人  
太息衰年惟此友更誰茗椀話蕭晨

廉船老友不見者三十年矣茲來晤揚州流連旬  
日喜其來而又惜其將去也斐然有作情見乎

心餘  
吟齋  
已分此生無見日相看彌覺白頭新

卅年前共踏京塵別久形容認始真風雨雞鳴逢故友  
關山馬跡老才人翻來近作還吟興話到同遊一愴神

少不論交志激昂便思翔步到天閭誰知出匣干將氣

都倦登場。傀儡裝妝。禮定文期後。世君眉集正平懷刺向

何方。將作祇應互祝加餐飯。長聽平安有報章。

### 哭錢璵沙先生

不會識面荷推袁。此意真令感弗諼。碩果在。教生並世。  
束。匆。仍。欠。死。登。門。八。旬。人。尙。江。淹。筆。二。品。官。無。庾。信。圍。  
不。哭。先。生。復。誰。哭。從。今。老。輩。更。無。存。

### 題子才續齊諧小說

一編點鬼簿。荒唐唐更爲香魂寫艷粧。神女夢爲雲引誘。  
素娥奔竟日窩藏。文人自戲禪三昧。陰府將持算九章。  
我爲懺除犁舌獄。佛前稽首一爐香。

### 甌北詩鈔

七言律四

九

### 晤錢竹汀宮詹話舊

握別京華廿五春。相逢彌覺白頭新。手成百卷專門學。  
身是千秋列傳人。海外購書來賈舶。門前著錄遍儒紳。  
故交也得餘光乞。一序三都價便珍。承惠拙集序言

研摩結習自諸生。館閣歸來業益精。兩漢淵源劉貢父。  
歷朝金石趙明誠。胸懷人喜披朝爽。目力天留禁夜明。  
君入夜則咫尺不能見書視仍察秋毫也樽酒論心同一笑。傳人未必盡公卿。

心餘詩已刻於京師謝蘊山觀察。覓以寄示展閱。

### 累日爲題三律

那君同時要比妍。今朝得睹豹斑全。死疑靈運先成佛。

生本青蓮是謫仙。才大已推香象渡名高。久壓野狐禪。  
凌雲意氣談天口。彷彿音容尙眼前。

談忠說孝氣陵峒。卅卷詩詞了此身。於世僅增倉一粒。  
斯人已歿弩千鈞。三年刻楮成何事。六博呼盧大有人。  
太息儒冠真自誤。可憐無補費精神。

蓋棺難更句雕搜。後死應堪勝一籌。歎我亦將成弩末。  
比君仍未進竿頭。生前遊跡餘鴻爪。老去名心付貉邱。  
詩草兩家俱在世。不知他日孰長留。

忽夢鎮安舊遊

廿載蕭閒林下身。何緣重夢日南春。山多盤古年間樹。

甌北詩鈔

七言律四

二

俗是華胥國裏人。朱邑葬柯乘後約。歐陽思穎記前因。  
只慚我自難忘處。未必民猶念我頻。

遊隨園題壁

名園欲訪屢愆期。到及梅花正滿枝。惟恐長爲門外漢。  
特來親賦畫中詩。林亭曲折文人筆。墻壁淋漓幼婦詞。  
名滿九州身一壑。輞川莊遂屬王維。

結搆憑何粉本摹。危欄絕磴路縈紆。峰廻巧作東西崦。  
水復流爲裏外湖。喬木十圍人共老。名山一席客爭趨。  
問渠何福能消受。四十年來住畫圖。

舟過無錫再晤晴沙

故人相見倍情殷。爲共心期托野雲。誇富黔婁應讓我。  
論高子伯豈如君。夜闌燈火愁雞唱。歲晚江湖感鴈羣。  
便合往來成二老。春山同踏落花紛。  
預訂明春  
惠山之遊

贈王文園給諫

浪跡江鄉類隱淪。刀圭試手輒生春。始知白社投閒日。  
猶是蒼生托命身。康節行窩爭欲設。伯休入市共相親。  
笑他煉汞燒丹者。只自求仙不救人。  
君歸里後以  
醫活人甚多

皇上八旬聖壽恭紀

虹電祥光耀大瀛

八旬聖壽際昇平。祥開地久天長節。歡溢山呼嶽拜聲。

甌北詩鈔

七言律四

三

十賚文多看屢錫。七籤笈滿又重更。史書翻遍無今比。  
普集繁禧助慶成。

神功聖德筆難陳。敬在高穹愛在民。壤賦幾回全。

詔免

郊禋每歲必

躬親縹緗四庫書。三校河海雙堤。駕六巡五十五年。

如一日。固應弗祿自天申。

雄圖廣運靖戎蠻。暨訖真看遍。九寰翠掃久過蒲類海。

冊封新到繖圓山。  
安甯山名見  
明史張輔傳枕椰夜雨連銅柱。楊柳春

風度玉關總是

恩威協天處羽于柔遠兮詠頌

但從

御極紀春秋已過梁唐晉漢周

後五代僅五十四年  
上御極年已過之

揮翰尚

傳金翅翳 據鞍時馭玉驄游芝苓不覓天台藥蓬闈

遙添海屋籌信有

至人凝命永共天行健自無休

二千年內只三朝

三代後人君年八十者惟  
梁武宋高元世祖三帝

還遜吾

皇景運遭重譯萬方胥象表一堂五代袞龍袍屢豐

比戶倉箱滿偃武多年弓矢囊都是昇平極盛事璇圖

鴻福接天高

甌北詩鈔

七言律四

三

行都先敕綺筵開漠北諸王進壽杯膜拜共尊天可汗

唄音齊頌佛如來仙韶樂奏班行肅王會圖成版宇恢

添个朱鳶新國主日南花又上林栽

熱河行宮先寧家古諸王而  
安南國王阮光平亦趨至

鑾迴絳殿舉鴻儀多少鷓鴣集玉堦露湛衢尊千斛酒

香霏月桂萬年枝金銀宮闕仙人島錦繡江山織女絲

此景古來曾幾見有生真幸及昌期

豈徒京國祝釐虔巷舞衢歌遍海堦燈火樓臺滅不夜

琉璃世界月將圓軒轅曲裏長春景紉縵雲中復旦天

見說靈椿八千紀如今八秩尚初筵

謁補山制府奉呈

三江行省駐蜺旌

帝為南邦簡老成。令肅百城無墨吏。官高一品尚書生。  
廻瀾力大關風氣。霽月光澄見性情。騎竹兒童扶杖叟。  
何人不識玉壺清。

歎歷崇班廿載長。濟時偉略益恢張。潞公精力逾年少。  
韓尉勳名重晚香。地步獨爭千仞壁。子孫自有百株桑。  
封疆入相尋常事。要看他年史冊光。

鬢髩纔蒼面渥丹。天人姿稟世驚看。望高已共尊三老。  
才大疑兼用五官。餘事作詩還倚馬。殊方著錄有驂鸞。

范石湖師粵移蜀著驂鸞錄公宦跡相似故借用之

始知佛說神通現。樓閣華嚴一指彈。

甌北詩鈔

七言律四

三

滇微黔疆忝弟昆。雲泥猶荷念寒溫。書來問訊皆親筆。  
話到存亡有淚痕。謂經略傳文忠公庾信自傷枯樹賦。鄭公還訪

浣花村。趨承能不心傾盡。半為勳高半誼敦。

美人風箏

誰家掌上。一嬋娟。飛入高空。艷影翩。風送幾疑天。賜女。  
那陵川集有天賜夫人詩雲遊不作地行仙。尙嫌綵索鞦韆短。

風吹幸氏女至梁家為婦漫比朱絲傀儡牽。月姊星娥應共語。新添好伴絳霄邊。

步虛仙子脫塵鞿。身駕春風上太微。一去如飛疑劍女。

任吹不動笑環妃。月輪近恰為粧鏡。霞綺鮮仍貼舞衣。

當日臺城倚頰汝。有闕氏亦解重圍。

天路無梯一線通。冶遊最好起春融。但愁神女來行雨。  
恰喜封姨肯借風。糊上薛箋。身絢爛。製成湘竹骨玲瓏。  
雲霄曳履男兒事。偏覺弓鞋會躡空。

嬌姿只合繡幃藏。何事凌虛露靚粧。豈是飛瓊來下界。  
不煩窺玉上東牆。多情尙繫絲千尺。薄命休啞紙半張。  
一片夕陽鴉鵲舞也如蜂蝶逐衣香。

肉飛煉得幾多年。白日昇天謝自然。直上似追奔月女。  
孤行肯逐馭風仙。方成唾漫驚飛燕。微側魂應化跼鳶。  
羅襪無塵香界迥。雲中君本楚騷傳。

五銖衣薄太風流。細骨輕軀稱遠游。挽住尙煩紅線手。

甌北詩鈔

七言律四

五

倦飛或墜綠珠樓。尙憐高處寒難忍。直恐仙乎逝不留。  
添个風琴傳逸響。珊瑚恰作珮聲幽。

吳門晤西莊竹汀

握手相看髯各皤。那禁老子此婆娑。後來良晤知猶幾。  
海內名流漸不多。世以博聞推敬播。天留微疾養維摩。  
二公皆有目疾朋簪最羨居相近。同在吳門步履過。

淝水

淝河百丈水湯湯。千古南朝詭戰場。空國而來驕必敗。  
背城能戰弱爲強。枋頭宣武慚勳伐。江左夷吾尙廟堂。  
贏得淮南閒草木也。同旌旆氣飛揚。

偏安累代保江濱。豈意亡秦出異勳。兵少幾同三戶弱。功多并許八公分。時來裾屐皆英氣。事往兵戈但舊聞。何處遙天聽鶴唳。鵝鳩聲裏曉耕雲。

### 橋公墓

累朝耆舊末流中。想見羣倫仰下風。生有隻雞留戲笑。死猶兩女嫁英雄。識同許劭能評士。名比康成並號公。荒塚已無人腹痛。亂鴉古木夕陽紅。

### 東林寺

柴桑南去訪禪關。典午名藍尙此閒。賞菊有杯容入社。刻蓮爲漏記開山。寺逾魯殿千年久。門對匡廬萬仞閒。偏是老僧諳故事。殷勤送客虎溪灣。

### 甌北詩鈔

七言律四

三

### 和錢竹初移新居

精舍頻年搆始完。移居人比葛洪看。城無山水堪攜杖。家有林巒值挂冠。別墅王維經一卷。小園庾信竹三竿。知君自寫胸中橐。付與工師築考槃。

君搆繪事

十笏香巖結淨緣。養閒難得是中年。草堂將寫司諫。州宅堪誇白樂天。絲竹肉應隨處設。畫詩書總後來傳。家門本占蓬瀛籍。君捨天仙作地仙。

今兄文敬公乙丑殿撰

上元後三日芷堂過訪草堂次日夢樓亦至皆未

有夙約也喜而有作後二首專簡芷堂



鵲噪晴簷信有因南轅北轍聚茲晨正堂自雲開來相思何

止三秋月不速欣來兩故人垂白關心惟舊雨軟紅回

首已前塵草堂纔過收燈後連夜重開一甕春

草聖詩魔歷苦甘夢樓書正堂詩皆必傳也書生結習故多愁拾遺有疏

留雙闕正堂以言事改官彌勒何年共一龕夢樓長齋奉佛已久天下傳人儕

輩幾林間奇會翰林三惹他僮僕驚相笑都是迂疎不

急談

官似遊僧早打包初衣今遂返江郊胸中大庇千間厦

天上歸來一把茅空谷蘿牽人補屋畫梁泥落燕離巢

借他二陸雲間宅權寄江湖不繫匏君家夜光居牡丹有名浙中今屋將圯攜家住雲間書院

甌北詩鈔

七言律四

美

學海迷茫未有涯何來捷徑指褒斜會從館閣親前輩

及見詩文有作家下筆誰分雌竟入聲字買脂爭寫牡丹

花君歸好振扶輪手報國文章事正賒

是日招立蒼絨齋同集皆王祝二君京師舊友也

立澹有詩次韻

到此無端笑語粗一堂梯屐總吾徒人難舊雨聯床再

客與春風到座俱酒氣白浮杯浪湧燈光紅占月輪孤

擅場汝士詩先就壓倒香山老筆枯

回首春明餞別筵何期重此泛觥船連翩冠蓋猶前日

飄蕩江湖已暮年驛路寄書千里遠屋梁落月幾回圓

還期笠屐頻來過一曲賓雲再集仙

偕立菴艤舟亭看梅小飲次韻

巾屨相隨踏凍來艤舟亭叩寺門開出行有伴當攜杖  
招飲無題借看梅老榦過冬猶健骨早花隔歲已懷胎  
憑欄漸覺山池暖淺綠波痕欲上苔

壽全惕莊巖使六十

扶桑弧矢耀朝曦鈴閣歡聲頌介眉共喜木公金母宴

正當浴佛飯僧時

公與笑入生辰在四月八九兩日

玉杯香浥薔薇露金帶圍

開芍藥枝一片廣陵歌舞地滿城誰不祝蕃禧

信有人間富貴仙最繁華處駐旌旃百年士女春遊地

甌北詩鈔

七言律四

七

千里江淮月進錢最績早同劉晏粟清心仍酌隱之泉  
欲知晝景舒長甚正是恢台四月天

有以明人詩文集二百餘種來售余所知者乃不

及十之二三深自愧聞見之陋而文人仰屋著

書不數百年終歸湮沒古今來如此者何限旣

悼昔人亦行自嘆也感成四律

擔來卷帙滿軒楹欲與先生面百城準擬驚人都有句

誰知點鬼也無名詭符幾費雕鐫苦元草殊慚鑿賞精

後視今猶今視昔豈勝俯仰感殘檠

姓氏爭期著述留百年難駐況千秋馬空冀北誰朱汗

豕過遼東盡白頭。辛苦珍裘千集腋。混茫大海一浮漚。  
遺編不及能言鳴。自把名呼向客舟。

不知曾費幾敲推。無限精靈付劫灰。傳不傳真皆有命。  
想非想豈盡無才。騙人嘔血奚囊錦。爲爾收魂醬醃堆。  
始歎前賢深閱歷。只教痛飲掌中杯。

手握雞毛筆一枝。妄思不朽計原癡。閣麟已欠圖生面。  
霧豹何曾剝死皮。過眼春華風一陣。到頭暮色雪千絲。  
却慚夢醒恆沙劫。已是吟髭撚斷時。

### 壽松坪前輩七十

館閣清班廿載深。恬懷中歲早抽簪。二分月下清游地。

甌北詩鈔

七言律四

天

十七科前老翰林。持節才會收鐵網。稱詩人共奉金針。  
耆英自有長年相。壽骨崢嶸貫頂心。

笠屐圖中另一班。茶烟禪榻愛蕭閒。官餘藜火歸猶讀。  
妻有梅花老不鰥。小部笙歌紅豆曲。名園亭館綠楊灣。  
關西人占江南樂。千載風流繼對山。

### 秋帆畢制府遠寄文幣珍裘詩以誌謝

故人高誼足千秋。雙鯉書來道阻修。榼楊久安驚繡段。  
綈袍已感況珍裘。杜陵漫想千間厦。溫嶠原居第一流。  
愧我空傳倚樓號。不來黃鶴一登樓。

一自春明散履綦。雲泥從此跡差池。丹青自勘焚餘草。

黑白閒看局外碁官罷逢人多醉尉老狂乞食到歌姬  
如何寂寞滄江上尙有瓠羹念故知

### 岳祠銅爵

桐鄉金德輿得一銅爵口內鐫精忠報國字旁  
量谷下鐫岳珂建造蓋宋阜陵賜卹岳忠武後珂所製  
祠中祭器也咏者甚多爲賦四律

鄂國祠堂禮器存土花碧不蝕精魂壯懷未飲黃龍酒  
故物如傳白獸尊金已鑄身當日痛

岳元聲精忠類編宋孝宗鑄  
卹時知公寃以金鑄其像

字仍渙背舊時痕金陀坊裏文孫製始信忠勳有後昆  
欵識摩挲重感傷英雄豈愛一杯漿豐功不畫凌烟閣

### 甌北詩鈔

七言律四

无

奇禍翻遭偃月堂把此定應浮大白至今空與注流黃  
稍欣一樣爐錘力鐵像摹成跪墓旁

賜卹曾盛湛露波知公遺恨尚難磨獄冤雖已昭三字  
家祭終非告兩河聊抵鼎銘傳世古何須圭瓚報功多  
滄桑劫後金甌碎剩此殘樽作象犧

量容不及三升觚偏有興亡繫故都服匿兩宮終飲酪

肯鬼千騎忍提壺

背鬼本隨身酒器  
公以名其親軍

珍逾武肅家券氣壓

宣和博古圖完璧倚歸祠廟祭椒馨應更滿西湖

盧抱經學士以雍正壬子補弟子員今歲壬子又

黑白閒見諸生遊席作重逢入泮詩紀事故賀四律

六十年前泮水塘又逢擢秀蔚成行佛家最重初禪地  
老將重經舊戰場好繼弁山編盛事王弁洲有皇明盛事錄已同魯  
殿歸靈光阿婆歲晚看新嫁未免風情憶靚粧

宮牆重到鬢毛斑又見新郎出綴班尙有昔年題字柱  
便當古蹟棄繻關遙知見獵心還壯可有追風足許攀  
恰似六壬前定數周天花甲已循環  
局外人看局內碁頭巾久作弁髦遺誰知白首窮經日  
還似青衿肄雅時校字有訛階掃葉借書無券酒盈甌  
諸生莫漫扳同歲言一風規是汝師

甌北詩鈔

七言律四

羊

見恆河性故依然迴憶初程發軔年汲古遂探羣玉府  
步虛直到大羅天榮持籜節爲星使老叟筇枝作地仙  
定滿荀卿三祭酒看公會到曲江筵

金陵過前明故宮城

廣衢九軌接城闈勝國遺規半未湮流水不湔金粉氣  
故宮已見採樵人百年史冊殘棋譜一片江山浩劫塵  
老去只貪娛景物漸無閒淚爲沾巾

留別子才

清游訪遍六朝基又向隨園接履綦卿亦流連中一物  
我無文字外相知延年早入長生籍謂君方續存詩著錄新添本事  
詩君方續編詩話莫怪浮屠不三宿已勝返棹剡溪時

泊燕子磯遊永濟寺

名藍風景故依然。屋宇無多得勢偏。壁立山疑神斧削。  
岩栖僧作鳥窠禪。記遊無復前題字。攬勝欣留再到緣。  
一樹杪。儼舊相識。曾經見我黑頭年。

白頭

白頭何復傍人門。口舌徒爭覆水盆。豈忍作仁由我死。  
可憐夢得有親存。緣幢身本危竿試。救劫棋難敗局翻。  
只有掩關澄水觀。任他塵事日囂喧。

甌北詩鈔

七言律四

三

只許餘關澄水觀。任他塵事日囂喧。

五。離。夢。得。有。親。存。緣。幢。身。本。危。竿。試。救。劫。棋。難。敗。局。翻。

白頭

一。樹。杪。儼。舊。相。識。經。曾。見。我。黑。頭。年。

名。藍。風。景。故。依。然。屋。宇。無。多。得。勢。偏。壁。立。山。疑。神。斧。削。

泊燕子磯遊永濟寺

甌北詩鈔七言律五

陽湖 趙翼 雲崧

癸丑元日樹齋大司馬奉使過常舟次話舊賦贈  
新歲纔開一葉葺喜逢畫簫過郵亭故人天上班卿月  
野老田間候使星馳傳旌麾催治獄對牀風雨憶橫經  
感公不隔雲泥迹頭白相看眼倍青

唐荆川先生讀書處

前賢遺墅綠楊灣水木清華遠市闕並世文章無北地  
當年聲望此東山盛名難免求全毀晚節終看歷試艱  
剩有城南讀書處畫圖一幅好荆關

甌北詩鈔

七言律五

一

高名海內共知聞却向林間臥白雲七子敢聯吟社侶  
八編直接選樓文談兵雄劍鳴鞘內講易靈狸叩夜分  
古語騙人三不朽累公精力一生勤

出郊便覺少塵縈深柳書堂六枳籬磐石想經垂釣處  
清泉仍似在山時人從黃葉村尋路壁有紅丸墨寫碑  
壁嵌荆川讀書處石刻係孫文介所畫介乃爭紅丸案者今日林臯雖易主輞川名究屬王維

白桃花和既堂

一種穠花玉作根曼殊獨壓衆芳繁武溪水映春無色  
露井風開月有痕莫是縞衣還入夢直教紅粉不銷魂  
夕陽倩影欣相對翻愧醃顏醉酒尊

錯認梨花帶雨嬌。一枝素艷倍天天。映來人面無紅暈。  
寫出春魂有白描。絕色東鄰顏太潔。淡粧西子粉都消。  
崔娘枉自誇能饋。不用兼將雪水調。

仙源花正絳天明。十里紅霞獨素英。縱使近朱寧變赤。  
忍因另色便更名。渡江船上人如玉。息國軍前淚泣瓊。  
笑比吳娃能白戰。胭脂陣總豎降旌。

曲譜休歌點絳脣。笑他俗艷惹遊塵。月明台洞無尋處。  
春過羅浮有替身。號國蛾眉晨淡掃。小憐玉體夜橫陳。  
劉郎今亦頭如雪。別與流連結淨因。

與邵松阿別幾三十年。今夏始至虞山奉訪。承招

甌北詩鈔

七言律五

二

同蘇園公吳竹橋鮑景畧諸名流讌集。撫今追昔。卽席奉呈。

車笠論交誼最親。別來常恐見無因。紫薇共直如前日。  
白首同年尚幾人。隙影難追駒過迹。巢痕空記燕棲塵。  
相逢未暇離懷訴。先把形容認个真。

七十耆年已舉觥。

君今歲七十

胸中五嶽尚崢嶸。未甘身享容

容福。或避名呼觸觸生。

君自齊肅故以熊安生事爲戲

風教每持前輩論文

章喜爲後生評魯靈光殿孤撐在也。算人間一老成。

朋簪招集德星堂。都爲留髡遞勸觴。自是客因卽令重。

非關人看子瞻忙。廿年別緒聯牀雨。四海虛名滿鬢霜。



略似京華文酒讌。觚稜回首路茫茫。

杭州謁惕莊。使時由兩淮。調任兼理織造。

扁舟訪舊浙江湖。又荷旌麾遠出郊。楊柳西湖三月暮。

梅花東閣十年交。離懷常托相思草。宦跡原如不繫匏。

雅量服公真灑落。不因杯水感堂坳。

白簡星馳挽不迴。風聲小警殷其雷。

在揚州以劾奏虧  
務事亦有小警

名留

豬嘴關前說身過。狼牙嶺上來補袞。功應光黼黻。調羹

才本擅鹽梅。移官恰占湖山勝。儘許清游把酒杯。

豬嘴關  
見西陽

雞組狼牙嶺  
見元遺山詩

夜夢從軍爲賊所執。不可不死又不能遽。自引決

甌北詩鈔

七言律五

三

瞿然而悟汗已滿身。乃知生平此中未有定力

也

噩夢無端破膽寒。兵氛闖入大槐安。平時每作千秋想。

臨事方知一死難。名義重應甘白刃。頭顱痛又覲黃冠。

醒來始覺吾生幸。生長昇平免據鞍。

長洲蔣立崖明府最愛拙詩。曩曾托杜村中翰具

道企慕之意。今遇吾鄉楊充之州牧。又囑代致

殷勤。其于我可謂癖好矣。自惟謏劣。愧不敢當。

而厚意殊可感也。貽之以詩。

有此神交。蓋未傾一人。知已足平生。他時不用青蠅弔。

此日應先白。犬盟多恐推。袁非定論得。毋慕蘭誤虛名。  
衰年久擲吟。毫禿重爲桓。譚別短檠。  
頻煩芳訊致。纏綿想見殷。懷愛我偏賈。烏豈堪呼作佛。  
知章竟已許爲仙。近來風氣輕前輩。老去聲名仗後賢。  
甚欲與君傾肺腑。相期虎阜菊花天。

祥符寺樓夜宿

空山一榻借僧寮。秋氣澄空正次寥。半夜月明鴉鵲警。  
九天風急斗星搖。詩成枕上催人起。夢滿欄前被佛消。  
聽到曉鐘聲斷處。半窻日影上芭蕉。

夜歸

隴北詩鈔

七言律五

四

暮鴉啼散滿林烟。廿里長河夜泛船。剪刀能刮水。  
月輪無轍自行天。溪橋犬吠鳴榔火。野店人喧賣酒錢。  
棲歛餘糧收未盡。歡聲滿路說豐年。

遣興

湖海人豪氣未除。可憐七尺落蘧廬。漸看名姓沉鄒湛。  
肯數英雄到本初。生也有涯憂不盡。古而無死樂何如。  
海山批率俱安托。頭白惟餘一卷書。

戢影菰蒲已廿年。流光冉冉到華顛。築亭放鶴林和靖。  
出郭騎驢孟浩然。死去無求傳米生。來不乞買山錢。

芒鞋竹杖松枝麈。自作江湖一散仙。

笠屐江村伴老農。莫嗤身計太疎慵。一生只見甕中粟。  
舉世爭趨飯後鐘。折坂未登車倒退。遊山正好日高春。  
始知馬磨卑棲處。少踏人間險幾重。

夜行更漏已將殘。閱世年深得靜觀。不識字人真使活。  
但求錢處必艱難。一裘孤自雄衣桁。三韭鮭常富食單。  
楚相寢邱聊可久。兒童忍使試橦竿。

泊舟金山下宿

孤嶼中流絕四隣。浮空丹碧潔無塵。山憑江洗磯千尺。  
水與天分月兩輪。梵界真成清淨地。僧窻靜閱往來人。  
只嫌佛印燒豬事。似爲東坡玉帶珍。

甌北詩鈔

七言律五

五

感事

炎風朔雪兩相更。費盡人間幾送迎。鄒忌妻孥工媚語。  
翟公門巷見交情。尺波將濶魚先散。一骨纔投犬共爭。  
笑把陳編按時事。層層棋譜在楸枰。

前輩商寶意嚴。海珊袁簡齋諸公詩久已刊布。近年來盧抱經王西莊錢竹汀考古之書及吳白華趙璞函頤晴沙蔣心餘張瘦銅王穀原錢籀石王述菴吳穀人詩文亦先後刻成羅列案頭。足資欣賞。率題四律。

插架新編燦列眉。一堂風雅總吾師。臨流欲唱公無渡。

及席先愁某在斯。此事不關官大小。斯文眞繫世興衰。  
許燕手筆高岑調。都是開元極盛時。  
如此寰區十數人。可憐力已竭。爭新一時尚。恐遭揚解。  
他日知誰更積薪。豪傑不歸文苑傳。聰明都用宰官身。  
故應河嶽英靈氣。不在區區大雅輪。

論交竊幸及諸賢。酒海花天共壁箋。標榜耻爲前七子。  
精神各注後千年。鬢眉把卷如重對。風雨聯牀已獨眠。  
不覺又增存歿感。關河雲樹墓門烟。

汗馬無功且汗牛。又增滄海幾浮漚。縱教後輩能饒舌。  
敢禁斯人不出頭。已覺通都增紙貴。頗聞買舶出金求。

甌北詩鈔

七言律五

六

中華文字難通處。還有人間大九州。

到揚州未堂西墩松坪既堂春農慕青連日邀作  
近局詩以誌好

到處賓筵欵近游。又將口腹累揚州。二分明月本無賴。  
七十老翁何所求。竿木逢場聊戲劇。籃輿扶路亦風流。  
江鄉此會非容易。館閣晨星七白頭。

王少府舊爲陳玉亭制府屬吏具述玉亭最愛拙

詩嘗誦余送其出守有市虛何客過廉頗廷辨  
惟君是魏其之句蓋昔與玉亭同值軍機余爲

人傷被擯輟直玉亭獨爲不平故詩中及之

事隔三十餘年此詩亦已刪却不復記憶因少  
林轉誦不覺前塵影事重觸於懷而玉亭緣事  
見法老母幼子流落無歸尤可傷痛爰補綴舊  
句哭之想少林亦同此感也

祖道東門句已刪前塵振觸淚痕斑豈堪鶴唳華亭後  
重憶鷓鴣行鎖闥間垂死故人傷白髮未歸新鬼哭青山  
生平鮑叔能知我曾護雞鳴夜度關

賈豎爭言彼一時秋風吹落燕巢危市虛何客過平廉  
頗廷辨惟君是魏其今日翻輪三黜幸何年得釋九原  
悲傷心家破身亡後客裏衰親塞外兒

甌北詩鈔

七言律五

七

都亭當日餞行輶從此車前擁八騶才望共傳名父子  
官階將繼富民侯尊人文肅公官大學士誰知平步青雲脚翻送焚香  
絳帕頭我是故人君故吏豈勝話舊涕橫流

近局將遍計日言旋再登留別

椰廚享遍快清游計日迴帆過潤州老矣詩難撥甲戰  
歸哉富。豈執鞭求柳殘隋苑寒猶折水落邗江澹不流  
預訂明年看花會又煩春甕倒牀頭

靜觀

茵溷花分總宿因求仙學佛枉勞神誰非死後無名鬼  
我已生前有福人安享昇平將到老粗完婚嫁不憂貧

流傳他日應增羨容易書生自在身

到揚州追悼西巖前輩

蠟屐重經廿四橋黃爐回首頓魂銷前遊未久方期續  
老輩無多忍便凋歌袴有思民祭社傳經無恨子登朝  
半年遲作生芻弔來補橋元酒一澆

周北張南似比鄰拈題賡和壁箋頻江湖歡會幾忘老  
風雨高歌覺有神耿耿孤燈書館夜萋萋宿草墓門春  
十年來往揚州路哭到先生第五人

金棕亭白秋齋吳澗  
齊唐再可已先下世

爭名

文士相輕古有之詞場壁壘各堅持集偷沈約嗤爲賊

甌北詩鈔

七言律五

八

經授遼明不奉師村女插花偏自好醜人詭鏡果何私  
千秋自有無窮眼豈用爭名在一時

側聞

側聞蠻徼暫軍興籌筆何當効薄能曳足尙思觀鼓噪  
綃頭已自怯車徵掣鞬漫擬飢鷹起伏檻難爲老驥騰  
顧影夜深私自嘆征南刀久血痕凝

七十自述

不覺駸駸歲月征觀河童耄暗中更生當盛代身何  
幸老作詩人世已輕學問就衰那復進功名非福不能  
成祇應飽吃殘年飯扶杖田間咏太平

青髯歸來到鬢髭塵緣幻妄漸消磨世無拘束容聲叟  
境有繁華付夢婆識字讀書千載上食租衣稅廿年多  
較量自古書生命畫粥燃糠不啻過

童年回憶舊艱辛天下無如我最貧孤露更誰舟贈麥  
飢寒長自甌生塵噎瓜亭是傷心地踏菜園悲薄命身  
最是饑驅北行日離懷痛絕倚閨人

長安索米悵何依年少江南一布衣入洛陸機詞賦滿

游秦張祿姓名非京闈以顧姓應試壯心有劍雞催舞舞浪跡無枝

鵲亂飛贏得虛聲供嚇風廿三經義一時揮以五經獲解

東華初步軟塵紅移直樞曹地望崇五夜趨朝雞唱月

甌北詩鈔 七言律五 九

九秋出塞馬嘶風沉沉鎖院聽鈴索漠漠周陞挽角弓

六載微勞差自慰西師及見告成功補中書入直軍機前後凡六年時方用兵西陲

歷歷巢痕記憶真一時風氣一時人曾因保直深嚴地

及事當朝老大臣門館無私心似水衣冠有慶物皆春

只今回首平津閣慚愧曾充座上賓謂傅文忠汪文端二公

寸寸鮎魚上竹竿生平一第最艱難不周山下頭曾觸

無定河邊骨欲寒辛苦醫家三折臂渺茫仙路九還丹

誰知禿盡中書筆方得詞人本分官會試凡六度始中式

一桂枝高手已攀臚傳聲裏另排班雖非五色蓬萊頂

猶占三茅句曲山千步御街中道出一條軟繡九衢還

人生此福難消受老去追思轉汗顏

頭銜已失冠山齋猶忝西清供奉勞 盛世文章臺閣

貴清班官職鳳麟高奎堂校士春蠶葉官燭修書秋兔

毫斗食敢嫌飢曼倩書生榮遇是詞曹 三度分校京闈一主武鄉  
試修書方翼館凡四年

單車迢遞赴邊城出守天南萬里程正欲拊循為父母

豈知伉直忤公卿水中見蟹猶生怒杯底逢蛇得不驚

猶仗 御屏題筆在 在京蒙恩  
記名凡三次 彈章未敢斥歸耕 出守鎮安以妾  
事幾被劾

滇徼從軍掃劫塵 奉命赴滇  
從軍征勦 千層瘴嶺踏嶙峋山深應有

藐姑射路險且隨生女真 時與蒙倫  
兵同行 千檄淋漓常脫腕一

刀磨洗不離身沙場戰死男兒事多愧今猶作孝人

### 甌北詩鈔

七言律五

十

歸途重入粵西天父老紛迎拜馬前共喜未為兵死鬼

自慚不作肉飛仙山川劫外無虛警雞犬村中有晏眠

笑語士民釘未拔可應尸出拔釘錢

萬山深處喜民和不用刑威但撫摩地遠中原游客少

天連南極老人多雞豚晚社爭扶醉士女春墟解唱歌

辜負此邦輿誦好攀轅千里送關河 移守廣州數月鎮安民陳  
恂等不遠四千里送萬民

衣織  
至署

量移東粵理繁艱首郡叨塵領袖班謬忝作兄諸弟上

頗難為婦兩姑間沉沉曉鼓應官去落落春旗按部還

一事差償壯游志羅浮頂看海廻瀾 廣州謝事作  
羅浮之游



露。桐。星。旌。到。夜。郎。漏。天。淫。雨。暑。天。霜。人。來。青。瑣。原。仙。吏。  
地。人。烏。蠻。是。鬼。方。黔東爲羅施鬼國  
黔西爲羅殿國臣子敢論官美惡

君王自重治循良只因慈母當歸字望斷吳雲萬里長

三政歸裝一擔輕白雲。母仗躬耕豈期空谷歸。種放  
猶荷。深宮問賈生。歸田後蒙  
恩垂詢者再仕宦還鄉修孝弟文章報

國頌昇平只餘六載循。咳處稍慰烏私一片情

負土營成馬鬣堆祥琴。彈罷選期催路旁有鬼看先笑

命裏無官病忽來。臂疾竟成將朽木肘方難起不燃灰

中流返棹何勝感。風到神山輒引迴。赴京補官兩督頓患  
風痺白臺兒莊回舟

藥餌多年病漸消。回看同輩盡旌旄。胸中五嶽平猶起

甌北詩鈔

七言律五

十一

頭上千薪積已高。老態豈堪還舞袖。交情難受是綈袍。  
濟時功業原須早。搔首徒深感二毛。

買得湖干築草堂。踈籬曲檻水中央。誇張有絹千頭橘。  
防備無衣百本桑。寒士蓋鹽原易足。少年糠覈已粗償。

無端失計移城市。貪慕東坡住顧塘。坡公舊寓顧塘橋遺址  
尚存余始與之隣近

里居何物可消閒。依舊書生靜掩關。尚有眼光牛背上。

不消髀肉馬蹄間。半篝殘火聽譙鼓。一縷名香裊博山。

訂罷史編翻自笑。干卿甚事苦增刪。方樹猷  
餘叢考

忽入繁華夢一場。頻年踪跡落維揚。豈應垂老冬烘客。

來聽清歌夜度娘。高館論文移座滿。疎燈看奕引杯長。

後人倚葺平山誌莫便疑爲杜牧狂

揚州主安定講席

烽火遙傳海上洲故人邀我作閩遊也因國事來焦額  
豈必邊功自出頭人命死生三寸筆軍儲贏縮五更籌

誰知大戟長槍裏薄有書生一得謀

臺灣用兵在閩督李欽齋幕府一年

重到揚州設絳幘論文又作數年淹蠅頭細字宵燃燭  
塵尾清談晝下簾小住本同吳市乞久留恐被楚人鉗  
故鄉自有佳風月留待詩人甲乙籤

流光難挽魯陽戈漸欲經營安樂窩與我偕行惟竹丈  
非人不暖有湯婆詩傳誰復將絲繡身老何堪與墨磨  
回首壯年豪俠處曾衝鼻息拂星河

甌北詩鈔

七言律五

七

已是禪堂退院師曼卿意氣尙酣嬉閒中調語談天口  
老去雄心弔古詩留客且爲無事飲對花還作有情痴  
羲之樂死從今定濕哭乾啼總不知

踏遍岐途識淨因塵勞總誤百年身無官豈必皆高士  
有福何須作貴人莊叟老爲齊物論堯夫生是太平民  
瓦盆小酌茅簷曝領畧羲皇一片淳

昇平郊藪鳳麟游無限英才要出頭詞賦動誇今李杜  
山林并少假巢由衰殘敢自居耆宿宏獎翻愁誤俊流  
聊與擴開新眼界梯杭更上一層樓

少年意氣慕千秋擬作人間第一流豈意壯懷三不朽

終成老物四宜休。休隙驗虛擲。分陰過皮豹。徒憑一卷留。  
若果輪迴有來世。誓從暑鬣便勤修。

春農同年挽詞

秘省抽毫麗綺霞。遂初中茂別東華。江湖盟長諸名士。  
碑版文推一作家。嘆喟壯懷燈下酒。懽騰老眼霧中花。  
白頭同譜今餘幾。腸斷當年共草麻。

竹初用導引之術。面有少容。蓋已學道有得矣。戲

贈

英雄歲晚劍修真。一寸丹田守谷神。古有長生今亦鬼。  
天如可上地無人。煉形未必逃蟬蛻。導氣聊堪作鳥伸。

甌北詩鈔

七言律五

三

君是鑿鏗老孫子。故應多閱幾紅塵。

近日常詩集者又十數家。翻閱之餘。戲題一律。

只爲名心鉢。肺肝紛紛裂。棗競雕刊。豈知同在恆沙數。  
誰獨能迴大海淵。後代時逾前代久。今人傳比古人難。  
如何三寸雞毛筆。便作擎天柱。地看。

聞湖南苗首就誅軍事告藏詩以誌喜

露布遙傳定百蠻。五溪烽火報平安。生來盤瓠原殊族。  
初起車巴尙畏官。持重徒勞穿土室。成功終藉戰臯蘭。  
始知用武承平世。儒將非難勇將難。

千里荆襄尙盜區。繡衣持斧未全誅。好移虎帳平蠻卒。

來掃虫沙伏莽徒鬼道不靈殲米賊兒啼可怖避麻胡  
待看蕩洗兵氛淨依舊耕桑遍兩湖

時湖北叛匪尚未平逆苗  
既諫可移兵併力掃除也

汪屏周宅喜晤畫士張玉川昔年同客文端師邸

第者也二君今皆八十餘余亦七十一矣握手

道故欣感交集兼寄時齋副憲

四十年前踏軟塵春明邸舍記靈椿

邸在椿  
樹衙衙

那知晚歲無

同輩猶剩貧交幾故人白首朋簪聯近局青燈賓館憶

平津稍欣東閣郎君貴應亦相關念昔因

時齋弱冠時  
常共談讌

題喬生徐州勸災散賑詩卷

勸遍災黎灑淚枯歸來詩卷帶泥塗萬家感泣鮮于路

甌北詩鈔

七言律五

古

一幅流亡鄭俠圖死已隨波作魚鼈生猶栖水似鷗鳧

可憐饑溺相關處一个儒官抱贖呼

題曾賓谷運使那上題襟集

稷飲紅橋事久無使君重把雅輪扶詩聯陳起江湖集

句入張為主客圖人本玉堂工授簡官閒鈴閣愛投壺

劇憐我昔揚州住旅館清吟興太孤

閱明史有感於流賊事

菴荷何意蔓難圖初起潢池本易俘賊不殺官猶畏法

兵無戰將孰捐軀師行共指軒中鶴冠去方追幕上烏

歷歷前朝陳迹在是誰專閫握軍符

百年安堵享昇平誰肯輕生肇亂萌死有餘辜貪吏害  
鋌而走險小人情彈丸黑子皆紛起繩伎紅娘亦橫行  
好片桑麻繁庶地烽烟千里廢春耕

懷塞外友人

五馬相隨似弟昆別來喜聽建牙尊豈期蜚語傳金穴  
竟掛彈章出玉門援廣難施修月斧譴深長戴望天盆  
可憐昨歲猶書到念我江南黃葉村

追悼補山使相

萑苻纔起將星亡丹旄飄飄出蜀疆嗣祖焉知非是福  
李流今已漸爭強九原氣作山河壯五等勲封帶礪長

甌北詩鈔

七言律五

五

恩封  
伯爵

贏得口碑遺論在公存不至賊披猖

石稜眼焰戟鋒鬚節鉞威名懾萬夫

帝謂魏徵偏嫵媚人知呂相不糊塗開邊倖亦書生膽  
按部聲先墨吏誅今日平心論人物封疆籌略似公無

書感

從戎曾問日南琛中土何期起綠林敢幸退閒身不與  
自傷衰老力難任江湖憂國迂何補戰伐稽時禍恐深  
只有天心終厭亂會消妖霧豁重陰

再哭偉兒

紙錢焚與作冥資知到閻羅第幾司汝去決非爲賤鬼

我來翻幸有親兒生前小膽多驚恐死後孤魂孰護持  
思子臺空聊假寐夜深或有夢來時

聞秦蜀兵夾勦流賊奏捷喜賦

軍報傳來野老家喜聞奏捷出褒斜固知賊尙非張角  
從此軍應獲呂嘉腹背夾攻窮穴鼠尾頭雙捲運常蛇  
由來討逆須威克持重徒延歲月賒

屈指軍興歲一巡寇氛流毒遍村鄰醉人味似糟豬肉  
殤鬼竟爲野馬塵復矢幾家招故壘亂骸何處認前身  
而今絕似償冤報賊寨啾啾哭碧燐

答子才見寄之作

甌北詩鈔

七言律五

去

仙有魔輪佛有航書生失計落詞場死生於世何輕重  
詩卷憑人說短長曾未上書青鎖闥也無殺賊綠沉槍  
如何結習猶癡甚徒詫文章萬丈光

顧晴沙輓詩

同向江天把釣竿扁舟來往最交歡曾爲才子先登第  
要作高人早去官遺愛尙畱秦蜀道吟情欲闢杜韓壇

君詩另成一家

那堪纔寄詩筒去不及燈前一拆看

詩家篇纔付夜航船寄去是日即聞君訃

省署簪毫出建牙我歸君亦卽還家

君歸田後我一年

居鄉月旦

持清議奉母晨昏誦白華藻思捷如驚蛺蝶草書工過

壓蝦蟆誰知手選梁溪集自殿羣賢押後車

君選梁溪詩集甫刻成

秋帆制府挽詩

初聞未疾困炎陬。誰料騎箕碧落遊。羊祜惠猶留峴首。  
馬援功未竟。壺頭風淒冽。帳悲笳曲月冷。籌邊古驛樓。  
太息荆巫尙烽火。益無人可倚軍謀。  
兩湖節制擁高牙。俄值兵氛亂似麻。劫火炎岡無玉石。  
殺機起陸有龍蛇。蠻箋夜草招降檄。里鼓晨催轉餉車。  
辛苦頻年戎馬地。故應鬢髮總霜華。

封疆馭歷廿餘年。重是初階出木天。死定仍爲香案吏。  
生曾獨領玉堂仙。共推雅量休休大。不藉威名赫赫傳。  
此後孤寒更誰倚。龍門回首總悽然。

甌北詩鈔

七言律五

七

踪跡雖疎意自親。江湖每荷寄書頻。虛煩爲我高懸榻。  
不及從公醉吐茵。南國烽烟悲遠道。東山絲竹渺前塵。  
不堪重過靈巖館。剩有羊曇淚滿巾。

去春遊公  
靈石別墅

再題懷杜閣

杜公遊跡久成塵。偶檢遺篇指昔因。聊欲峴碑吟過客。  
敢爲左傳作功臣。騷壇喜試凌虛步。幕府能扶大雅輪。  
從此虎邱增故事。山塘兼占浣花春。

公相阿文成公挽詩

黃髮番番映殿墀。秋風俄報飾巾期。望兼勲德裴中立。  
身繫安危郭子儀。百戰功名圖像早。

九重恩禮乞骸遲。老成俎謝何勝感。不但羊曇哭故知。

汗馬歸來錫命榮。爵頒圭組位鈞衡。周官已極三公貴。  
魯論猶餘半部精。行酒從容人避席。聽歌慷慨客彈箏。  
生平論相推姚宋。不敢輕言秉國成。

烽火無端楚蜀疆。其期元老奮鷹揚。年高不復臨軍旅。  
身在猶能重廟堂。華袞易名公論定。豐碑賜葬國恩  
長祇應一事還。畱憾未見荆巫靖。陸梁。

曳履星辰地最尊。敢將疏賤說交親。曾經戎馬同甘苦。  
頻向江湖念隱淪。每見余族孫味辛中翰必問余近狀相業已歸青史傳。軍諮今

亦白頭人。此生無復西州過。遙憶平津淚滿巾。

甌北詩鈔

七言律五

七

子才昔年預索輓詩竟無恙。今以腹疾就醫揚州。  
又索生輓戲再作以遲其行。

昔年索輓却仍畱。再爲先生賦遠遊。生有自來從萬里。

君自言前身  
點蒼山老猿

死無遺恨占千秋。門前贄并收。甞閣晚年多  
女弟子海內

詩皆入選樓。探詩合詩  
作詩話

只恐替人難覓得。驪駒歌罷又停騶。

不早休官也。列卿超然湖海結鷗盟。烟花享盡人清福。

詩卷遙收世大名。不古不今成一則。非仙非佛自孤行。

未須便辦迎笙鶴。天尙畱君賦鹿鳴。

明年戊午科鄉試  
君重扁鹿鳴宴矣

鈔關門放舟至高旻寺訪鑑公練塘

尋僧閒喚漿牙開。正值秋成稻滿堆。近路仍遙緣岸曲。



順流忽逆爲潮來疎林霜薄纔黃葉淺渚沙明少綠苔  
一笑到門剛過午闔黎鐘已放齋回

閱邸抄賊至利川邑令尹英圖約鄰邑周景福糾  
集鄉勇截殺數千大獲全勝喜賦

邸報傳來信已真利川江上破黃巾能糾義旅同殲賊  
自是清官素得民白挺不須矛戟銳丹楓都變幟旗新  
早聞

聖主酬功速遷秩蠲租與命申

縣令皆擢郡守  
邑民蠲租三年

衝鋒破陣總鄉農拋却鋤犁學挽弓皮靴翹空稱練士  
毛葫蘆轉遣臨戎勒成部伍如軍令戰死沙場亦鬼雄

甌北詩鈔

七言律五

九

都是國家培養出同讐敵愾到兒童

經年羽檄促征驂只望雄師虎穴探絕塞徵兵挑甲卒  
深山轉餉挽丁男朝家錢幣糜千萬幕府金貂賜再  
三今日戰功堪載筆翻輸吏健土軍慈

芸浦中丞移節閩疆不數月復奉命來撫江南吳

民歡聲載道爰紀以詩卽贈

絳節移閩暫駐驂吳儂翹首正依依重來天果從人願  
小別公如作客歸民慶二舖長有托吏遵六計未全違  
福星合在江南照那許他那久借暉

來往郵籤兩月期故園頻喜駐旌麾似償少日題橋柱

惜未炎天啖荔枝

仲秋到閩孟冬即調任

三節還鄉豪傑事一年借寇

吏民思向隅獨有閩人嘆不得畱公見設施

仙霞高嶺劔州灘回首今辭行路難人指江南爲福地

帝知吳下憶清官兵氛路遠民安堵穡事年豐戶飽餐

早識隨輪膏澤到下車時正雪花團

自七月不雨公到任日乃大雪五寸

素食招夢樓佩香小集寓齋

客中破寂賴吟朋小治伊蒲饌尙能雅集不妨粧閣女

枯禪俱已在家僧座無何肉清如水室有唐花暖未冰

便抵吳門蔡經宅麻姑親降寵難勝

不是持齋學太常劉輿賦恐汚清芳得邀霞帔來仙界

甌北詩鈔

七言律五

三

敢溷天花散道場春茗烹當重醞酒臘梅開作辟寒香

畱賓莫笑無葷血此亦詩家白戰方

揚州遇陸朗夫中丞子文馴感賦

士龍子弟見無因忽遇饑驅邢水濱廉吏可爲兒作客

故人已死鬼成神

湖南人傳公爲全省城隍神賢之謝雍泉侍御亦云

西華冬服猶披葛

南國春祠共薦蘋聞道靈旗移故土貽麻倘救後人貧

蘇州人傳公調江南城隍王夢樓云

袁子才輓詩

索輓連番竟不行此番真是送登程死應仍去爲猿嘯

生不畱看賦鹿鳴花月千場供老福詩文一代享高名

只愁未免風流罪欲爲縉經度化城

三家旗鼓各相當十載何堪兩告亡謂君與今日倚樓唯

我在他時傳世究誰長本非邢尹生相妬縱到彭聃死

亦殤衰朽只悲同調盡獨搔白首覽蒼茫

王西莊光祿輓詩

歲在龍蛇識可驚儒林果失鄭康成宦情淡有千秋業

文望高於一甲名公甲戌楊眼白首叢編成又改青燈老眼瞢

重明雙管後再明從今學海誰津導我哭先生爲後生

束髮攻書到老翁未曾一日輟研窮遍搜漢末遺文碎

不鬪虞初小說工後輩豈知真學問幾時再有此

甌北詩鈔

七言律五

三

淹通存亡莫道無關係直在蒼茫氣數中

風趣長康半點癡牙籌不諱手親持出門誤認儀同宅

築室遙催錄事費皇甫三都求作序李邕四裔乞書碑

卽論致富惟文字前輩高風亦可思

至蘇州瘦銅子孝彥來見泣然有作

葛帔相看淚滿衣貧官門戶已全非僅餘我作青蠅弔

猶憶君邀畫鷁飛余赴鎮安任過蘇州君命舟邀遊石湖身去空留詩句好命

窮直到子孫微一驂脫贈終何補慚愧論交共瘠肥

杭州晤同年謝蘊山藩伯

汾晉移旌僅一年重來浙土奏旬宣

帝期東海長無警。公與西湖夙有緣。杭越總歸千厦庇。  
白蘇僅以兩堤傳。早聞力挽頽風處。先凜冰霜素節堅。  
退衙無事擁牙籤。補史亭前晝下簾。不擇地知文思湧。  
無堅城爲筆鋒。銛名高應竝湖山。久才大何妨嘯詠兼。  
勲業文章都佔盡。使君毋乃取傷廉。

晤同年馮星石鴻臚

賦二首

瓊林同赴日初寅。彈指幾將四十春。福地湖山歸養日。

戲場袍笏倦遊人。一編自訂睂山集。

君手註蘇詩七年告成

五畝猶

懸魏闕身榜下。未交林下見相從。那不自頭新

蘊山招同星石湖舫遊讌

甌北詩鈔

七言律五

三

青雲同榜幾人存。三老相逢意倍敦。畫舫烟波人在鏡。  
行厨櫻筍客開樽。湖山謝傳圍棋墅。松檜馮家大樹村。  
慚愧遊春煩地主。旌麾遠出湧金門。

四月廿二日鎮江看都天會因雨阻改期訪王夢

樓出家伎奏樂卽席二首

神會傳聞麗羽旄。我來恰值雨蕭騷。不逢蜃市千層幻。  
翻聽霓裳一曲高。軟脚敢煩開近局。遨頭不枉泛輕舠。  
看他十六天魔舞。已賽靈風颭鸞翻。

會探若木泛東溟。

君曾隨冊使封琉球

五馬歸來謝綬簪。閒以聰明

修淨業。老憑歌舞耗雄心。

君奉佛已廿餘年。而性好音律。

一堂璫管遊仙曲。

四海苞苴賣字金

召以書名海內

臨汝亡來誰作達

謂裴儉

讓君游戲

閩風吟

佩香女史聞余至枉惠珍饌侑以佳章次韻奉謝  
訪舊江干泊野航美人珍贈意何長揮毫好句明珠顆  
出水鮮鱗白玉肪毛女得仙原不老髮僧出定倘能狂  
何當改作清娛婢常侍瑤臺禮佛香

佩香登韻來索和再次奉答

又勞題句送吳航正值遊街軟繡長廿五日綵仗迎神排  
鴈字珍厨欸客截鵝肪是日茅耕亭學士何劍亭秀才先後招飲人閒競作逢場  
戲吾老聊隨舉國狂只有清吟校書女閉門獨對一爐

甌北詩鈔

七言律五

三

香

慶晴村爲尹文端師第五子舊與余同學自都門

別後不相見者三十餘年矣今以將軍來鎮江

寧握手道故敬呈三律

昔日郎君今重臣卅年相見倍情親依然東郡趨庭處  
來作南邦坐鎮人文端師節制兩江時君尚隨侍叔子風流裘帶緩臨淮精  
采幟旗新金陵父老欣相語風貌猶傳故相真

何處江南非舊遊清陰滿眼召棠畱卽看今日施行馬

猶爲先人問喘牛老輩尙稱佳子弟世家已復舊公侯

遙知不繫舟邊過慨想前徽有淚流

不繫舟文端節制署中園各

聯吟可惜失隨園

袁才嘗出入文  
端慕與君最密

同學今惟兩弟昆君喜

有朋來自遠我慚無佛易稱尊六朝陳跡才人筆一品  
崇班上將門從此郵筒往來便莫辭好句寄江村

昔歲曾與偉兒同登金山扁舟重過泫然有作

曾攜愛子捫烟蘿今日重來感慨多落日壯心千里目  
秋風老淚百年歌空畱名姓題會到只有江山亘不磨  
從此妙高臺上路芒鞋何忍再經過

揚州哭激楚編修

纔是春筵累治庖忽傳噩耗到江郊十年混跡繁華地  
一個知心冷淡交論事胸猶森五岳著書夢久玩三爻

甌北詩鈔

七言律五

五

側聞去路分明甚浴罷更衣便打包

熬火精勤校石渠蓬山仙籍拜新除

君成進士後以總校  
四庫書特賜翰林

得償

天上難成願遍覽人間未見書已徙新居三徑外

前歲  
遷居漸

凋先業二毛初我來剩有披帷哭誰更論文一起予

哭祝芷堂侍御

哀音來自海東偏目斷吳淞黯暮烟自古高才無厚福  
况能早達又長年賈生去國爲遷客李洞尊師奉浪仙  
老我門牆更誰倚非關荒却一莊田

綺歲登瀛氣吐虹共占王掾黑頭公五更秘閣青藜火  
萬里征軺繡旆風仗馬一鳴辭曉闕塞鴻孤唳落寒空

書生只合文章進何事輕乘御史驄

君以封事罷官

講席寥蕭海一隅聊同祠祿養閒儒巢低尚恐遭鳩奪  
轍涸憑誰救鮒枯往日聲華輕令僕老來衣食傷江湖

更憐旅殯華亭館知復何時返故區

同在江天履跡清歲時一晤倍關情中郎書擬歸王粲

永叔文先弔曼卿賴有麥舟分賻厚費中丞致厚賻稍欣黎板刻

詩成所著悅親樓集今夏刻成老來哭盡諸前輩又向人間哭後生

時齋副憲子紱林已得恩廕南歸省墓枉道過存

### 話舊感賦

荷衣出拜記垂髫頭角今看鳳有苞歐。棊。十。年。南。浦。別。

### 甌北詩鈔

七言律五

五

甲辰歲余與時齋別於蘇花浦今已十五年

昌黎三世北平交賞延任子欣傳勞債

避無臺出打包慚愧前人指困誼芥舟水淺感堂坳

困君歷歷話京塵重憶當年絳帳親文淵師愛士殷懷廉孟

子論文正派趙周臣趙秉文字周臣舊遊歲久看成古良晤緣稀

見倍親回首師門何限淚生平恩誼荷平津

更制寒窗筆草韻賦與同鄉或對酒  
薄醪憑酒氣猶餘  
猶憶寒窗筆草韻賦與同鄉或對酒  
薄醪憑酒氣猶餘  
猶憶寒窗筆草韻賦與同鄉或對酒  
薄醪憑酒氣猶餘

